

Morero Wa Mekgahlelo E Tsheletseng Wa Ketelo Ya Gabariele Ho Daniele

 Empa ho makalla hakana... bana ba rona ba lemong tsa bo-leshome hoseng hona, bathwana, le a tseba, “bo-fefe” le “bo-fifi,” ba banyenyane, bathwana, bo... le a tseba, boleshome tshelela. Mme ba kena ka kerekeng, le a tseba, mohlomong... Bananyana, ba dilemong tseo, ba batla ho ba batle, le a tseba. Bona, le a tseba, moriri o mangetse ka hoodle, hlooohong tsa bona; ke ile ka ba lemotha, ha ke ntse ke rera, wa nna wa lepella, wa lepella. Mme, ka mora’ nakwana, ba o pheule hape ba o tlose sefahlehong sa bona, mangetse a se a otlolohile.

² Ngwananyana wa Kgaitsedi Downing, mme—mme ke ile ka mo elellwa. Le mothwana—mothwana—mothwana... Mothwana wa Moena Collins... Lebitso la hae ke mang? Mothwana... [Motho o re, “Betty.”—Mong.] Betty, Betty-nyana. Ka batla ke itshehela, ke le mong. Empa ka bona botle boo bohole, le a tseba, ba itokisitse ka hoodle, mme yaba ka ho otloloha e ne e le...

³ Tjhe, pelo tsa lona di hlohonolofatswe, moratuwa, le batle, ho nna, leha ho le jwalo. Ke hantle. *Botle*, ke—ke moyo o motle o yeng o tle mme o dule ka dikopanong ka mokgwa oo, le ho mamela Evangedi. Ke yona ntho e etsang botle ba ngwanana. Mme ke nahana hore moshanyana ofe feela ya lokelang ho nyala, o nahana ntho e tshwanang. [Moena Neville o re, “Amen.”—Mong.] Ke a o leboha, monghadi. Ke ntho e ntle. Motho e mong o dumellane le nna. Hoo, ho lokile. Ho itoketse. Ke dumela hore hoo ke Nnete.

⁴ Jwale na ha ho makatse? Ke butse hantle ho Daniele 9 ha ke ne ke phetla Bibebe. Jwale, ka tlwaelo ke bolella motho e mong le e mong, ba se hlobole baki tsa bona, ba nang le lesoba dihempeng tsa bona, ka hona ke tshepa hore yaka ha e na lona. Empa—empa ke bone mehla eo ke neng ke sitwa ho e hlobola, hempe e na le lesoba, ehlile bo. Ke a kgolwa ena ha e na lona.

⁵ Jwale, oh, bakeng sa ka, re... mme ke dumela ho letshwele, ha re ananela Boteng ba Moya o Halalelang hoseng hona.

Mme re ananela kopano ya setswalle le boteng ba e mong le e mong. “Ho monate, ho molemo, ho hotle hakakang, ha baena

ba dula mmoho ba kopane. Ho jwale ka oli e hlokwang e rothang ditedung tsa Aarone, e qhitsetsang kwana mosehong wa seaparo sa hae.”

⁶ Ke ne ke il'o ja kajeno, mane Blue Boar, mme ka tshoha ke kopane le mang haese Moena Bill mona, le Kgaitse Dauch ya dutseng mono, feela—feela ho ja tse ding tsa dikgoho tse shebehang di le kgabane, tse hadikilweng tseo nkileng ka di bona, mme e le monyaka o moholo, ho fufuletswa ke yona hantle, le a tseba. Ka tswella ho nyolohela ka hodimo ka ditepise mme ka kopana le karolo e kgolo ya kereke hodimo mono, mme ba batla ho ntefella tinare ya ka. Jwale, e ne e le ntho e ntle haholo eo, ke ananela seo.

⁷ Ha ke fihla hae, Billy ke enwa a tla ka lebokose la ditamati leo motho a ntheketseng lona, tse tswang kwana naheng e ntle eo, e phodileng ya Georgia tlase mono, moo ho phodileng hakana tlase mono, ha ke bolellwa, nakong ena.

⁸ Yaba, ke kopana le lethakanyana ka ntle. Ke tswa dihlahllobong tsa dipuisano, thapameng ena, mme ka feta le kerekeng mohlomong hora le halofo e fetileng, mme mothwana...thakanyana le le nyenyane, ka ntle, la re...Ke ile ka re, “Ho a tjhesa.”

A re, “Ehlile bo ruri!” Ka tseba o ne a tswa Georgia, ka baka leo a re, “Ehlile ho tjhesa haholo tlase Georgia!”

⁹ Tjhe, re leka ho phema tulo e tjhesang ho feta, ha ho jwalo? [Phutheho e re, “Amen.”—Mong.] Ke seo re leng mona ka sona.

¹⁰ Ke le leboha haholo, metswalle, ka mosa wohle wa lona. Ne nka etsa'ng ka ntle ho lona? Ke'ng feela—ke'ng feela eo ne nka e etsa ntle ho lona? Ha ke ne ke hloka motho ya nthatang, ho se motho ya mamelang Molaetsa wa ka, Molaetsa wa ka o ka bo o se na thuso ho hang. Nke ke ka o rerela dipalo tsa mohala le dificate. Di ne di sa tl'o o utlwisisa. Ka hona eka kgona e be batho ba kang lona bohle, ba ka tlang ho o mamela. Mme ha le tla le dula tulong e tjhesang jwale ka ena, mme ho... Mofumamadi wa ka o ile a re o batlile a tjha lore morao mane, hoseng hona. Mme ho bona batho, mme ka nako tse ding batho ba kulang, ba dutseng ka hara dikopano tseo ka mokgwa oo, Modimo o le fe e—e lehae le letle, le ratehang Kganyeng, ke thapelo ya ka. Mme ke a tshepa ebile ke hopola ha A tla etsa hono.

¹¹ Jwale, a re boneng. Baki ya ka, motho e mong o e isitse kwana. Mme ke loketse ho bala ho se hokae bosius bona. Ke ba bakae ba thabelang karolo ya pele ya hona? [Phutheho e re, “Amen.”—Mong.] Oh, hola ho sa tjhesa hakana feela, re ne re tla dula re nne re tswelepele, hantle jwalo vekeng, ka—ka Buka ya Tshenolo. Ke mpa ke E rata feela. Ke phela ho Yona feela. Mme le rapele, ka mokgwa o itseng, bakeng sa ka, vekeng ena, hoba Sontaha se tlang ke...Ha Morena a ratile, ke loketse ho

kopana le hoo, ho kopanya diveke tseo mmoho. Mme ke ntho eo ke sa tsebeng letho ka yona. Mme ka hona ke tla tshepa Morena A tle a mphumanele karabo.

¹² Mme ke—ke badile banna ba mmalwa ba fapaneng ba—ba buileng ka yona, ba ngotseng ka yona. Ke badile dintlha mona, ka Ngaka Scofield, moithuti e moholo, empa ruri ka sitwa ho dumellana le yena, ka dintlha tsa hae tse ngata, hoba ha ke kgone ho bona hoo. Moo...E ka kgona e—e ka kgona e take setshwantsho hantle.

¹³ Jwale, ha o no o kopanya ntho e kang malatadiana, mme ntho ya pele o a tseba, o re, “Oh, lena le kena *mona*. Tjhe, ke a kgolwa lena le kena hodimo *mona*.” Tjhe, o loketse ho sheba mona pateroneng ya hao, ho bona seo o se etsang. Mme ha o—ha o sa etse, o tla ferekanya ponahalo ya hao ka hohle.

¹⁴ Jwale ho ka thweng hola o no o il’o nka...o e na le setshwantsho se seholo, naha e ntle, mme kgomo e fulang jwang hodima sefate? Jwale, ho no sa tlo loka (ha ho jwalo?), hobane ha e fule jwang hodima sefate. Ka baka leo, ho jwalo ha, wena, Moya o Halalelang o sa hlophise Mangolo mmoho. Jwale he, o ntano fumana ntho yohle, setshwantsho se seholo sa topollo. Ke seo re se batlang, Nnete. Mme ho fihlela re tseba Nnete, re tla e tlohela. Mme hape, ha Modimo o re fa Nnete, tjhe, jwale he ke tla e bolela.

¹⁵ Le a tseba ke’ng? Ke a kgolwa Moena Roy Slaughter le—le ba bang ba mekaubere mona, ba qadileng kgale morao kwana...Ha ba le mohlomong, ke a kgolwa, dilemong tsa ho qala tse tharo kapa tse nne tsa thuto ya ka,hantle mona tabernakeleng, ke sa batle ho rera ka temana ya dihele, hoba ke—ke ne ke sa kgone ho etsa qeto hore e ne e le sebaka se tukang, kapa haeba e ne e le lebitla. Mme nako le nako ha Lentswe le re, *lebitla*, ke fumane phetolelo, e re, “*Hades*.” *Hades* ke “lebitla.” Nako le nako ha E ne e bua ka dihele, “*Hades*, lebitla.” Mme ka e tlohela feela ho fihlela ke fumane hantle seo ke neng ke bua ka sona, yaba ke rera ka dihele; ka hona eitse ha ke fumana hantle, setshwantsho sohle, le ho bona moo e ne e le teng. Hobane, ke ikutlwia hobane moruti o jere boikarabelo ho Modimo, seo a se bolellang phutheho eo, hoba ba tla itshwarella nthong eo hantle. Mme ka hona, he, ho ka thweng ha eba ke ba fuparisitse sebaka se phoso, mme ho nto fihla nako eo fuparo eo e ke keng ya hlola e tiya? Le a bona?

Mme ponong eo Morena a mphileng yona, nakwana e fetileng, mohla dimilione tseo...mohla Eo a ne a bua le nna, a re, “O tla ahlolwa, pele, ka Evangedi eo o e rerileng.”

¹⁶ Ka re, “Ke rera se rerilweng ke Paulose, le ba bang bao.”

¹⁷ Mme dimilione tseo tsohle tsa mantswa howa, “Re phomotse tabeng eo.” E ne e le yona. Le a bona? Hantle.

¹⁸ Ka baka leo ke batla ho tswella phirimaneng ena, jwale, re tle re se ye halelele. Mme le se lebale jwale...Jwale, hoseng hona...Ke tshwere dintlhana mona. Hoseng hona ke buile ka Daniele kgolehong, Gabariele a tla ho yena mme a mo eletsa ka bokamoso. Ke seo re ne re tshwarane le sona hoseng hona, keletso ya bokamoso.

¹⁹ Jwale, phirimaneng ena, re bua ka *Morero Wa Mekgahlelo E Tsheletseng Wa Ketelo Ya Gabariele Ho Daniele*. Sontaha se tlang, ha Morena a rata, ke ho hlomamisa diveke tse mashome a supileng, moo di loketseng teng, elementeng ya nako. Mme ebe re eme hokae? Jwale, ha feela, re ka fumana ntho eo, mme ra etsa bonnete, ra tiya, jwale re tla tseba feela hora eo re phelang ho yona. Jwale re ke ke ra tseba mohla A tla kgutla; ha ho motho ya tla tseba hoo. Jesu ha e tsebe, ka boYena. O itse ha A tsebe. O itse ke Ntate feela, a inotshi, ya tsebileng hoo. Esita le Mangeloi ha e tsebe. Ha ho le a mong wa rona ya tsebang mohla A tlang, empa re ka bolela e—e hora eo ho... nako eo re phelang ho yona, ka tsebo ya hore re ka be re atametse hakakang.

²⁰ Jwale, bakeng sa kgokahano, hobane bashanyana ba hatisa teipi ya sena...Dimatjhini di a matha ka morao ka phaposing. Mme teipi, ehlile, di romelwa ka ntle, hohle.

²¹ Jwale, thuto ya hoseng hona, ka mora hoba re kgutlele morao kgaolong ya 4 le ya 5, yaba re kgomarela...ho qala ka kgaolo ya 9 ya Daniele. Mme jwale, bosiung bona, re tswelapele ka kgaolo 9. Pele re e atamela, a re inamiseng dihlooho tsa rona bakeng sa motsotsa mme re bue le Moqapi wa Lentswe.

²² Modimo wa rona o mosa, re tiile O tseba sona sepheo sa pelo ya rona. O tseba hobaneng re le mona. Mme O a tseba ha re a tla bosiung bona hoba re nahanne ha e ka ba sebaka se setle ho tla teng, ho roba monakedi bakeng sa thapama. Ntate, ha ke dumela ho e na le motho a le mong mona ka morero oo. Ke dumela re le mona phirimaneng ena hobane re tshephahetse ka ho shwelella, re na le nneta, mme re batla ho tseba HO RIALO MORENA.

²³ Re a O rata, Morena, mme re rata Lentswe la Hao. Mme tulonyana ena eo O re babaletseng ka yona, marulelo feela hodima hlooho tsa rona, le diboloko tsena tsa konkreiti, re O leboha haholo ka tulo. Hoba, re dumela ha ho e na le Lehae mose wane ho sebaka, moo re habileng teng. Mme re nahana ka baholoholo ba rona ba neng ba hloka le monyetla oona, mme ho etsa re inamise pelo tsa rona ka dihlong, Morena, esita le ho tletleba.

²⁴ Jwale, Ntate, re rapela hore O tle o re bulele, phirimaneng ena, Lengolo. Tloo, tsamaya mmoho, pela e mong le e mong wa rona, re sa tsamaya tsela ena phirimana ena. Bua le rona

jwale ka ha O buile le bao ba yang Emmause, ho tswa Jerusalema. Hore, ha tshebeletso e tswile, phirimaneng ena, re tle re ye malapeng a rona a fapaneng mme re re, “Dipelo tsa rona di ne di sa tjhese ha re ne re Mo utlwa a bua ka Lentswe la Hae!”

²⁵ Hlohonolofatsa palo. Hlohonolofatsa maiteko a ka a fokolang, Morena. Bulela molomo wa ka nneteng, mme o kwalle se phoso. Mme O Ithuele tlota, le ho tlotswa bathong ba Hao, ba tle ba bone hora eo re phelang ho yona le ho Tla ha Morena Jesu ho haufi. Hoba, re e kopa ka la Hae—Hae Lebitso, Lebitso la Jesu Kreste. Amen.

²⁶ Jwale, ho tshwarisa morao Mangolong a rona metsotso e mmalwa, re fumana Daniele a qetile dilemo tse telele tse mashome a tsheletseng a metso e robedi kgolehong. E nahaneng! Jwale, wena, ya tshwereng pensele le pampiri ya hao, o sa kang wa e tshwara hoseng hona, o ka e thonaka phirimaneng ena. Ho tloha ka A.D. 606 ho fihlisa 538. Ntshang 538 ho 606, le fumana dilemo tse mashome a tsheletseng a metso e robedi Daniele a le... a holehilwe; ho se kereke a e tsamayang, ho se dithero tseo a di utlwang, le letho. Empa a tshwere dibuka tse itseng, mangolo a itseng, moo moporofeta ya tlileng pele ho yena a porofetileng, mme e ne e le—e ne e le Jeremia.

²⁷ Jwale, a sa ithuta Mangolo, a bona nako e fela, hore nako ya dilemo tse mashome a supileng... Mme ruri Daniele o ne a dumela ka mahlonoko lentswe ka leng leo Jeremia moporofeta a le buileng. Mme ke bua le bana, tlelaseng ya ka phirimaneng ena: Na re loketse ho dumela baporofeta ba rona? [Phutheho e re, “Amen.”—Mong.] E, monghadi. Hoba, Lentswe la Morena le tlide ho baporofeta. Ba na le HO RIALO MORENA. Mme moporofeta wa nnete a ke ke a fapoha le—lentsweng la moporofeta e mong. Ba ke ke ba Le buisa ntho eo Le sa e bueng. Ba tla bua hantle feela se boletsweng ke moporofeta wa nnete. Hoo ho ba etsa baporofeta. Jwale he ha ba fumana hoo, mme hape ba bolela e sa le pele tse tla hlaha, ka tsebo ena, ka tshabo pelong tsa bona, esere mohlomong ba bua se phoso mme sa kgelosa motho e mong. Ha re batle ho etsa jwalo le ka mohla. Re batla ho kgodiseha ruri hore re tshwere Lentswe la Morena pele re ka re HO RIALO MORENA. Le a bona? E tshwanetse e be bonneta, molaetsa o tswang Teroneng ya Modimo ka kotloloho, ho seng jwalo ha re a lokela ho e bua.

²⁸ Jwale, a sa badisia Mangolo, a bona hoba dilemo tse mashome a supileng di ne di fela. Ka hona, kaha a dutse mono dilemo tse mashome a tsheletseng a metso e robedi, ho setse lemo tse pedi tsamaong ya nako ho fihlela Modimo o busetsa setjhaba sa Wona lehaeng la bona.

A sa le thapelong, re fumana ho ile ha fihla Lengeloi le matla le tswang Lehadimong. Ho na le motho ya ka bitsang lebitso la Lona? [Phutheho, "Gabariele."—Mong.] Gabariele. Ke Lengeloi la kereke ya Bajude. Ke ba bakae ba tsebang hoo? Hohle, ke Gabariele. Gabariele ke moromuwa wa kereke, kereke ya Bajude; o tlie ho Maria; O tlie ho Zakaria. Kamehla, ke Gabariele. Mme Ke e mong wa Mangeloi a maholo a Lehadimo. Mme na ha A tlisetsa Moena rona Daniele tumediso e babatsehang hakaalo ho tswa ho Modimo! "Oho, Daniele, ya ratwang haholo!"

²⁹ Na ho ke se le thabise, ho nahana ha le ratwa ke Modimo? Hoja ke sa ratwe haholo, nka rata feela ho tseba hoba ke ratwa ha nyenyane hodimo Mane, ha ho jwalo ka lona? [Phutheho, "Amen."—Mong.] Ehlide. Feel a ho ka...Hore O a nkopola, hang ka nako, ho no tla nketsa ke batle ho hweletsa, ho nahana hore O a ntsotella. Mme re na le kgodiseho ya hore O a re tsotella, hobane, "Re sa le baetsadibe, Kreste a shwa sebakeng sa rona," moena. Mme, jwale, rona re neng re le hole le Modimo, jwale o re atameditse ho Modimo mme wa re abela tebeletso ya pholoho ya rona, e leng, Moya o Halalelang. Le ka tumelo ka mono e re phahamisetsang ka hodima dintho tsa lefatshe, mme re di matha hodimo. Ho hotle. Ha ho jwalo? ["Amen."] Ke hantle.

³⁰ A sa le thapelong, Gabariele a tla mme a mmolella ha ho sa sala dilemo tse pedi feela pele ba ka kgutlela lehaeng, empa a mmolella mafinyello wohle a setjhaba seo. E naheneng! Mafihlello wohle, leeto le leng le leng la lefatshe, Gabariele a le halosetsa Daniele. Hore O rometswe ho bolella Daniele ntho e kgolo ena. Ka moo moporofeta eo a loketseng a ba ikutlwile kateng! Mme A mmolella ha ho e na le diveke tse mashome a supileng tse badilweng hodima setjhaba, ho isa pheletsong; eo ke nako ya qetelo, ho fedile jwale, pheletso. A re, "Veke di mashome a supileng."

³¹ Ba bang ba bona ba e balla dikgwedi, ba bang matsatsi, ba bang...Huh! Ha eba e le diveke feela hantle, ho na le lemo tse ka bang pedi feela le korata, kapa selemo se le seng le kotara ya sona. Mme, le a bona, le...Ke hona moo e ka kgonang re fumane teng, ho ka ba le nnete.

³² "Veke di mashome a supileng tse badilweng hodima setjhaba sa heno." Morero e le ofe? Bakeng sa eng? Di badilwe hodima setjhaba sa mang? Sechaba sa Daniele, Bajuda. Mme di baletswe eng? E seng hodima Daniele feela, empa hodima motse o halalelang wa Daniele; le a bona, motse o halalelang wa Daniele. Jwale, tlelase, motse o halalelang wa Daniele e ne le ofe? [Phutheho e re, "Jerusalema."—Mong.] Jerusalema.

³³ Mme jwale re tla nka, mohlomong re e fihlele bosius bona: Jerusalema e ne e le hokae? Ke mang ya sibolotseng

Jerusalema? Na le kile la nahana taba eo? Ke mang ya sibolotseng Jerusalema? E sibolotswe neneng? Re tla fihla ho yona, ka mora nakwana. Ke mang ya sibolotseng Jerusalema? Moshaana, ke nthwana e sa tsebisahaleng e patilweng motsheo sekgutlong, empa ruri E bua ka yona. E, monghadi. Ke mang ya sibolotseng Jerusalema, le hore e sibolotswe neneng? Ho lokile. Mme oo ke motse o halalelang wa Daniele.

³⁴ Mme re a utlwisia hore motse oo, e bileng thohako jwale ka dilemo tse dikete tse pedi, o tla tsoswa le ho thewa botjha hape. Mme tshebeletso ya tempele e tla hlongwa kamoo e ne e le kateng tshimolohong. Ke hantle. Jerusalema e tla ema, jwale, mme sehlabelo se be teng, nyehelo ya kamehla e hlahiswe hape joale ka tshimolohong. Re tla kena boholong ba taba eo, ke a kgolwa, phirimaneng ena, kapa bongateng ba yona.

³⁵ Jwale ke batla le tsebe, metswalle, hore, ha re tea dintho tsena, ruri ke tlohela diveke tsa thuto. Empa mokgweng wa ho e otla feela, e le hore ha maemo a lehodimo a phola, kapa hamamorao, ha re kena Ditiisong tseo tse Supileng, Dinkgo tse Supileng, Diterompetsa tse Supileng, dintho tsena tsohle, nka kgona ho lebisa morao ke re, “Le sa hopola divekeng tse mashome a supileng tsa Daniele? Le sa hopola mongwahakgolo wa Kereke, mohla e ne e nyoloha, le se etsahetse’ng?” Mme diveke tse mashome a supileng tsena tsa Daniele di tlatsa sebaka ho tloha ho nyoloheng ha Kereke ho fihlisa ho kgutleng ha Kereke hape. Di tlatsa sebaka se se kaalo. Jwale, jwale, e seng diveke tsohle tsa Daniele tse mashome a supileng; karolo ya yona. “Veke di mashome a supileng tse badilweng.”

³⁶ Jwale, ho bile le morero wa mekgahlelo e tsheletseng ketelong ya Hae, ho mmolella tse neng di tla hlaha. Jwale, ho bile le morero wa mekgahlelo e tsheletseng ho tleng ha Hae. Jwale, siung bona, ke nahana re tla tlohela Mangolo mona moo re ne re le teng hoseng hona, moo ho bileng morero wa mekgahlelo e tsheletseng. Ke rona bana. Jwale re fumana ho bile le morero wa mekgahlelo e tshelela, o mong ho oona. Jwale a re qotseng kgaolo ya -bone, temana ya -bone... temana ya 24 ya kgaolo ya 9 ya Daniele.

*Mme veke di mashome a supileng tse badilweng
hodima setjhaba sa heno...*

Jwale le hopole, ke phetho seo leeto la baIseraele le tla se fumana lefatsheng lena. Di badilwe. Ho badilwe diveke tse mashome a supileng feela. Ke phetho se baletsweng baJuda.

*...hodima setjhaba sa heno le hodima motse wa
heno o halalelang...*

Ha ho le jwalo, veke ena tse mashome a supileng, jwale le se e fose, e tla senola ho tloha mohlang oo ho isa qetellong ya

baJude, hape le ho isa qetellong ya Jerusalema, ho fihlela ho hahuwa motse o motjha. Jwale, oh, eka re ka kena ho yona, hantle haholo le ka ho teba bosius bona.

*....di badilwe hodima setjhaba sa heno le hodima
motse wa heno o halalelang,...(Ho etsa'ng?)...ho
kwalla bobe,....*

³⁷ O ile a mmolella'ng jwale? O ne a leka ho fumana hore ho tla tswella ho fihla neneng. “Ke a tseba re nakong ya qetelo.” Jwale ka rona jwale, “Morena . . .”

³⁸ Ke ba bakae ka tlelaseng ena, bosius bona, ba dumelang ha re le nakong ya bofelo? E reng, “Amen.” [Phutheho e re, “Amen.”—Mong.] Ke a leboha. Re qetellong. Jwale re leka ho fumana, ka Modimo, hore hoo ho tla tswella ho fihla neneng. Re phela letsatsing lefe? Ke ka hona re kgutlelang morao mme re qotsa baporofeta bana, le jwalojwalo, le ho leka ho fumana moo re leng teng.

³⁹ Mme ke seo Daniele a se entseng. A lebisa sefahleho sa hae ho Modimo. Ke ba bakae ba badileng Daniele 9 kajeno, phahamisang matsoho a lona. Ke hantle. Le bona thapelo ya hae, kamoo a entseng maipolelo a hae a setjhaba sa habo, le maipolelo a hae ka sebele. A batla ho tiya hore o fumana mohla ba tla kgutla, hoba a ne a batla ho lokisetsa batho ho kgutla.

Jwale, seo ke lekang ho se etsa, ke ho fumana mohla re nyolohang, le ho lokisetsa batho ho nyoloha, ba neng ba itlhophile. Mme re lebisitse difahleho tsa rona ho Modimo, ka dithapelo le mefehelo, ho fumana, “Morena, ke hora efe eo re phelang ho yona?”

⁴⁰ Re bone ho etsahala dintho tsena tsohle tse fapaneng; re bona lefatshe le le hleke-hlekeng. Re bona nako e atametse. Yona p- . . . mongolo o leboteng, ntho ka nngwe eo Modimo o e boletseng. Re utlwa Mopresidente wa rona a bua ka ntwa e nngwe, hantle jwale e tlang. Re utlwa kakanyo, “Ka hara, oh, dihoreng tse mmalwa ka mora ntwa, ho lekangwa hore ditjhaba tsohle e tla be e se letho empa lerole la volekano.” Mme re a tseba re na le yona.

Ka baka leo re a tseba, pele hoo ho etsahala, Kereke e loketse ho tsamaya. Ka baka leo, “Morena, re hokae?” Ke ka baka leo ke dumelang hoba O tla re tsebisa. Re lebisitse difahleho tsa rona ho fumana. Jwale, pele, a re fumaneng.

*Veke di mashome a supileng tse badilweng ho
setjhaba sa heno...motse wa heno o halalelang, ho
kwalla bobe,...fedisa sebe, le ho phekola bokgopo,...
ho hlahisa ho loka ho sa feleng,...ho tiisa pono le
boporofeta, le ho tlotsa Sehalaledisiso.*

⁴¹ E ne e le morero wa mekgahlelo e tsheletseng wa ketelo ya Gabariele.

⁴² Jwale a re qaleng, wa pele. Ha le batla ho o tshwaya, lona ba tshwereng dipotloloto. Wa pele, "Ho kwalla bobe," ke ntho ya pele. Jwale, ho kwalla bobe ba Iseraele, e sitilweng kgahlano le Modimo, e tla be e le ho tlosa bokgopo ba Jakobo.

Jwale, ho fumana taba ena, a re phetleng ho Baroma. Kgaolo ya 11 ya Baroma, mme re qaleng ka temana ya 21 ya Baroma 11. Jwale re ya kae? "Ho kwalla bobe." Baroma 11:21. Ke hantle.

*Hobane ekare ha Modimo o sa ka wa baballa lekala
ao e leng wona ka tlhaho, . . . (Ao e neng e le mang?
Iserale.) . . . le wena . . . ke ke wa o hauhela.*

Jwale, ke batla lona, ha le ya hae, le bale kgaolo ena yohle ya 11. Ke mpa ke bala sena feela e le hore . . . Tshwayang kgaolo yohle ya 11, mme le e bale.

. . . ke ke wa o hauhela.

*Ka baka leo o lemohe mohau wa Modimo . . . bothata
jwa wona: . . . hodima ba weleng, le mohau, ho wena,
ha o tiisetsa molemong wa wona: hoba ha o sa tiisetse
teng o tla rengwa . . . wena, hape o tla rengwa le wena.*

*Le bona, ha ba sa hlole ho se- . . . ha ba sa hlole ho
sedumeleng ha bona, ba tla busetswa mohlwareng:
hobane Modimo o na le matla a ho ba busetsa teng.*

Le a bona, ho bolela ha ho tla fihla nako eo Baditjhaba ba tla rengwa, mme Iseraele e kgutle hape.

*Hobane ekare ha wena o nkilweng—ya nkilweng
mohlwareng oo e neng e le wa naheng ka hlaho
(Baditjhaba), o kentswe mohlwareng wa hae ka
mokgwa oo e seng wa hlaho . . .*

Re ne re le kgahlano le hlaho, basele, ho se mohau, ntle le Modimo, tshepo e le siyo ho hang. Mme Modimo, ka mohau wa Wona, ho re fa monyetla, wa rema Iseraele e lokileng ka baka la ditlolo, mme wa ba lahla, mod- . . . mohlware wa hae, mme wa hloma mohlware wa naheng, kgahlano le hlaho.

*Ho fihla mohlwareng wa hae: na bao, e leng ba hlaho
ba tla kennngwa hakakang mohlwareng oo e leng wa
bona?*

Ke hantle, a re baleng ho ya pele.

*Hobane, banabeso, ha ke rate hore le se ke la tseba
sepshiri sena, le tle le se ke la itjheba le le bohlale; ke
hore ho thatafala ho hlahetse ba-Iseraele ho nga e
nngwe, ho hlahela Iseraele, ho tlala ha Baditjhaba ho
be . . . kene.*

⁴³ Ho fihlela Modimo a qeta ka Baditjhaba, Iseraele e ile ya foufatswa. Ba ile ba tloha ba kena sebeng mme ba sitela

Modimo, hoba Modimo o ile wa foufatsa mahlo a bona, re tle re kenngwe kahare. Le a e tshwara? [Phutheho, "Amen."—Mong.] Temana ya 26 jwale.

Mme ka mokgwa oo ba-Iseraele bohole ba tla bolokeha:...

⁴⁴ Modimo o ba foufaditse ka morero bakeng sa ka le wena. Ha ba kgone ho bona, hobane Modimo o ba foufaditse. Mme Iseraele yohle, Iseraele ya nneta, e tla bolokeha. Lengeloi le itseng? Thoriso! "Ho kwalla bobo ba Iseraele! Ke tlie ho o bolella ha nako ya ho kwalla bobo ba Iseraele e tla fihla." Modimo o tla rema lekala leo le hlaha, mme o hlome teng, ho busetsa, lekala leo la nneta hape.

⁴⁵ Oh, ka nako tse ding e tlodisa pelo ya ka, ho bona batho bao ba batho, batho ba soto bao ba rengwa kwana, ba sa tsebe moo ba yang teng; le ho nahana hore Modimo, mohaung wa Wona, o entse hoo nna ke tle ke bolokehe. Wa foufaletsa mahlo a bona Messia wa bona ka sebele, ho kata ditsebe tsa bona ba tle ba se ke ba Mo utlwa; leha ho le jwalo, ba bone mehlolo ya Hae hantle, ba ba ba bona mehlolo ya Hae hantle le dintho tseo A di entseng.

⁴⁶ Ke Mattheu, ke a kgolwa, kgaolo ya 12, kapa ya 8 kapa kgaolo ya 12, e boletse, "Leha Jesu a ne a entse mehlolo e mengata, ha ba ka ba dumela." Hobane, Modimo o itse, "Ba na le mahlo mme ha ba bone, le ditsebe mme ha ba utlwe; ba tle ba se ke ba bona ka mahlo a bona ba utlwa ka ditsebe tsa bona, Ke tle ke se ke ka ba sokolla." Empa, e le hore re tle fuwe monyetla, A sira mahlo a bana ba Hae ka Sebele, a leleka bana ba Hae ka Sebele tafoleng, mme a ba neela bofutsana ba Moya, A tle a fumane...re tle re fuwe monyetla wa ho phela, ho re abela Bophelo. Temana ya 26, hape.

Mme ka mokgwa oo ba-Iseraele bohole ba tla bolokeha: jwale ka ha ho ngodilwe ho thwe, Molopolli o tla tswa Sione, mme o tla tlosa nyefolo ho Jakobo:

⁴⁷ E, O tla tla Thaba Sione, ka le leng la matsatsi ana. Hodima Thaba ya Mehlware, ba tla Mo ellewa, mme Iseraele yohle e tla Mo tseba. Ho tla be ho fedile ka Baditjhaba mohlang oo. Lekala le hlomilweng teng, Modimo o tla kgola ho lona tholwana e bokeletsweng. Mme lekala leo le hlaha le tla....

⁴⁸ Mme jwale le hopole, morao mona ha le bala, O boletse, "Ha metso e ne e halalela, mme metso eo e ne e le Motso o halalelang, le ditholwana tse tswang Motsong o halalelang oo di tla bea tholwana e halalelang." Mme ha Motso oo e ne e le Jesu Kreste, E leng Motso le Lehlomela la Davida mmoho; ha eba Bophelo boo bo ne bo le ka ho Yena, bo nyoloha ka moloko wa baJude mme ba kgaolwa ho bona, le mahlo a

bona a foufatswa re tle re bone, maphelo a rona eka kgona a bape le Lekala le hlohonolofetseng leo. Oh, e, moena. Ke hantle.

⁴⁹ Modimo o ba thefutse, ka morero, wa foufatsa mahlo a bona re tle fuwe monyetla wa ho bona, ho re fa monyetla. Mme re tsamaya hohle jwale ka hoja re le motho ya itseng. Paulose o a ba borella mona, “Le lemohe, kamoo le sebetsang taba eo kateng. Le lemohe! Hobane ekare ha Modimo o sa ka wa baballa lekala leo e leng lona ka hlaho, O tla hauhelwa jwang hape lekala le hlaha le seng le . . .”

Ka baka leo re tsamaya hohle, re re, “Ke Presbeteriene! Ke Methodise! Ke Baptist! Ke Pentekosta!” Hoo ha ho bolele letho ho Modimo. Eka kgona o tswalwe labobedi ke Moya oo o Halalelang o tswang Motsong. Empa O tlie . . .

⁵⁰ Jwale, le hopole, ha A bue ka Moditjhaba. Ke mpa ke lahlela taba ena mona le tle le bone moo Moditjhaba a fuwang monyetla wa hae.

⁵¹ Empa, O tlie “ho kwalla bobe,” ho bo fedisa. Jwale, ha re ka kgutlela ho Daniele hape, mme re tla fumana hoba ho Daniele, re a fumana mona, temaneng ya 24. Ke hantle. “Ho kwalla bobe.” Ho kwalla eng? Ho kwalla bobe ba Israele.

Bobe ke eng? Ke ho ema kgahlano le ntho e nngwe. Bobe kgahlano le nna, ke ho ntshitela. Ho etsa bobe kgahlano le wena, ke ho o sitelwa.

Ka baka leo, Israele e entse Modimo hampe. Mme vekeng ya mashome a supileng, ho tla etsahalang? Modimo o tla kwalla bobe ba Israele. “Ho kwalla bobe,” e tla be e le, “ho tlosa nyefolo ya Jakobo.” Mme jwale he Israele yohle e tla tswalwa labobedi. Bao bohole ba tla amohela Moya o Halalelang.

Jwale, wa bobedi, ngolang pampiring tsa lona.

⁵² Re ne re ka qeta nako e ngata mono, empa ha ke batle ho qala ho rera ka yona. Ke batla ho bua le lona feela, le tle le e tshware ka hloko. Mohla re kenang ho Ditiiso tse Supileng tsena, jwale le tla feta hara Kereke feela, hara Ditiiso, hara Dikotsi, le ho tseba moo re emeng teng. Ke hantle.

⁵³ Wa bobedi, “Ho fedisa dibe.” Jwale a re baleng hape, Daniele.

. . . ho kwalla . . . bobe, le—le ho fedisa dibe, . . .

Ke morero wa Hae wa bobedi wa ho tla. Pele, ho kwalla bobe ba Israele; le ho fedisa dibe. Israele e entse sebe kae? Ke hokae moo ba entseng sebe sa bona se hlakolosi? Ke hokae moo ba ikarotseng ho Modimo?

⁵⁴ Jwale mamelang ka hloko. A re phetleng ho Mohalaledi Mattheu 24. Mme ke mona moo Israele e entseng phoso ya

bona e nyarosang. Ke mona moo e entseng sebe sa yona sa ho qetela, le lebaka leo e leng boemong boo kajeno. Mattheu, kgaolong ya 27 ya Evangedi ya Mohalaledi Mattheu, le temana ya 25 ya kgaolo ya 27. A re qaleng nka re e—e temaneng ya 21.

Mmusisi a boela a bua a re ho bona, Le rata ha ke le lokollela ofe ho ba babedi bao? Mme ba re, Barabbase.

Jwale le hopole, ke Iseraele. “Barabase!”

Pilato a re ho bona, Mme Jesu ya bitswang Kreste yena ke mo etse jwang? (Ba utlweng!) Bohle ba re ho yena, A thakgiswe.

Le hopole, eo ke Messia wa bona eo Daniele a itseng o tla tla. Hopolang hoseng hona, thutong mona, “O tla kgaolwa, e se bakeng sa Hae,” ha se letho leo A le entseng.

...A thakgiswe.

Mmusisi a re, Na, o entse bobe bofe? Empa ba totisa ho howa, ba re, A thakgiswe.

Yaba Pilato ha a bona hobane ha a thusé letho, le...mofere-fere o ntse o tota, mme a nka metsi, a hatlela pontsheng ho bongata, a re, Ha ke na molato mading a motho eo ya lokileng: ho iponele e...lona.

55 Utlwang! Phoso ya bona ke ena. Sebe sa bona ke sena.

Setjhaba...sa araba, sa re, Madi a hae a be hodima rona, le hodima bana ba rona.

56 Ke hona moo ba se entseng. O ne a fedisa sebe sa bona. O ne a ka etsa'ng haese ho ba tshwarela, ka tsebo ya hore O ne a loketse ho foufatsa mahlo a bona, re tle re kgone ho kena. Eka bana ba Hae ka sebele ba tsetselelang Madi a Hae. Mme ba ne ba foufaditswe, mme O tsebile hoba ba ne ba foufaditswe. Ke lona lebaka leo A lletseng tshwarelo ya bona. “Ba tshwarele, Ntate, hoba ha ba tsebe seo ba se etsang.” Ba ne ba foufetse. Ba foufatswa ka baka la rona. Ba entse hona ho se dumeleng ha bona. Empa mohla ba Mmonang hape...Amen!

57 “Fedisa sebe.” Sebe ke eng? Ho se dumele. Ha ba ka ba dumela hoba eo e ne e le Messia. Ba sa kgone ho Mmona e le Messia, leha A entse pontsho e nngwe le e nngwe eo Messia a ne a loketse ho e etsa. Empa ba sa kgone ho e bona. Ba ne ba foufetse.

58 Ka baka leo ha le bona batho ba re, “Ha ke dumele phodisong ya Moya. Ha ke e bone. Ha ke bone kolobetso ena ya Moya o Halalelang.” Le se ke la ba halefela; ba foufetse. Ba re, “Ha ke bone Molaetsa wona wa ho Tla ha Hae. Ha ke bone kolobetso ena ya Moya o Halalelang. Ha ke bone peo ya noha. Ha ke bone dintho tsena.” Ba foufetse, mme ha ba e tsebe. Ba rapelleng feela. Ke hantle.

⁵⁹ Ho se dumeleng ha bona; empa, mohla ba Mmonang, mohla A tleng hape, ho tla fedisa ho se dumele ha bona. Oho, kgidi! A re phetleng feela pele ho Genese 25, kgaolo ya 45, mme re nke e—e papiso ya yona. Ke ngotse tse ding mona, tsa Genese 45, lona ba ntseng ba ngola dintlha. Oh, kamoo ke ratang Evangedi ena ya kgale e molemo! Ke hantle. Jwale re tseba moo re leng teng.

Na le nkutlwā hantle, ka morao ho mohaho? Phahamisa letsoho la hao ha ho kgona ho nkutlwā. Ke beile nthwana ena haufi o feta.

⁶⁰ Jwale re tla bala karolo ya Lengolo lena. Ke batla le mamele, lona ba sa tshwarang Bibebe tsa lona. Lona ba tshwereng Bibebe tsa lona, ke Genese. Pele, a re qaleng kgaolong ya 44, ho qala ka temana ya 27.

⁶¹ Ke Josefa, mme Josefa e ne e le papiso e phethehileng ya Kreste. Re tseba hoo. Ke ba bakae ba tsebang hoo? [Phutheho e re, “Amen.”—Mong.] A hloilwe ke bana babo (hobaneng?) hoba e ne e le motho wa moyo, a bona dipono, a hhalosa ditoro. E le motho wa moyo hara bana babo, mme ba mo hloya. Mme ntatae o ne a mo rata.

Ka mokgwa o tshwanang Jesu o ne a hloilwe ke mekgatlo ya dikereke tse hlophilweng, empa a ratwa ke Ntate wa Hae, Modimo. Ba ne ba Mo hloetse’ng? Hoba E ne e le motho wa moyo. Hobane... Ba re, ba itse, “E ne e le senoheramahlohonolo, diabolosi.”

⁶² Le hopola seo bana babo Josefa ba mmoleletse’ng sona? “Raditoro eo ke enwa a tla.” Le a bona? Le a bona, ntho e tshwanang. Mme ba rekisa Josefa ka moputso o batlang o lekana le oo Judase a rekisitseng Jesu ka wona, dikotwana tsa silifera tse mashome a mararo. [Moena Branham o kokotile sefaleng makgetlo a mmalwa—Mong.] Ba mo dihela lemeneng, mme ba ya bolella ntate hore o bolailwe ke selo, o ne a shwele. Empa o ile a nyollwa lemeneng. Kreste o ile a dihelwa lemeneng, mme a ntshwa. Mme ho tloha moo a ya tulong e phahameng ka ho fetisia e neng e le teng lefatsheng. Amen! Josefa a ya letsohong le letona la Faro; mme Jesu a ya letsohong le letona la Modimo. Molekong wa hae, pele ho tlotliso ya hae. Jesu, pele A tlotliswa, a feta molekong.

⁶³ Kgele, ke a kgolwa e ne e le Billy Sunday, moevangedi e moholo, ya itseng, “Ntho ka nngwe—sefate ka seng keha se dutswe ke Mangelozi a milione hodima sona, tsatsing leo la thakgiso, ho re, ‘Lokolla letsoho la Hao feela mme o re qhwaye. Re tla fetola mawa ana tikolohong ena.’” Empa A ke ke a ho etsa.

⁶⁴ Kaiafa o ile a re, “O ipholositse e le yena; ba bang ha kgone ho ba pholosa.” Ha a ka a tseba hore o ne a rorisa. Holane A

ipholosa e le Yena, A ka be a sitilwe ho pholosa ba bang. Ka baka leo, A neelana ka Yena, ho pholosa ba bang. Le a bona, bofofu bo bokaalo teng. Jwale bao . . .

⁶⁵ Jwale mohla tlotsi ya hae mono, kapa pele ho tlotsi ya hae, teko ya hae. Hopolang, Josefa o ile a hlahlelwa tjhankaneng hoba a ne a hloka molato. Moroma, kapa . . .

⁶⁶ Mogenerale wa Iseraele, ya bitswang Potifaro; Potifaro o ile a tloha, mme a nka leeto. A e-na le mosadi e motle, mme mosadi wa hae a kenya Josefa ka tlung ho etsa ntho e nngwe; mme a leka ho etsisa Josefa ntho e phoso. Mme o ne a tshephahala ho Modimo. Ke a le bolella, kamehla ba . . .

⁶⁷ Lona basadi, ke le kgarumetse; jwale ke tla le emela, motsotsso. Le a bona? Mosadi ke pitsa e fokolang. Ke a tseba ho ke ke ha ba le monna e mobe pele ho e ba le mosadi e mobe. Empa banna ba tseba hoo, lona banna le tsebang hoba le bara ba Modimo, mme le ntso nka monyetla ka mosadi, dihlong; ho sa tsotelle seo a se etsang. Ke pitsa e fokolang, mme o tseba hoo. Ha a tsoa, a sa itshware sefumahadi, mo tshware ka letsoho mme o bue le yena jwalo ka kgaitsei. O mora Modimo. O se ke wa etsa dintho tse mpe tseo. Shebang Josefa, e ne e le mohlala wa lona.

⁶⁸ Mme eitse ha mosadi wa Potifaro, mosadi e motle enwa, ya hlomphehang, ya phahameng, e mong wa basadi ba phahameng ka ho feta naheng, a mo phehella a mo qophella. Yaba o a retelela, mme a mo tshwara mme a leka ho mo haka pela hae. Mme a ithutla ho fihlela a hlobotse kobo ya hae, mme a mo balehela. E, monghadi. Mme eitse ha a kena, ba bua leshano ka yena, ba re o ne a tlide ho mo rusolla, mme mosadi a siya ntho ya hae . . . mme monna a siya kobo ya hae mono. Mme a ya lemeneng ka hona. Empa, lemeneng, Modimo wa ba le yena, ho sa tsotelle moo ba ne ba mo kenya teng.

⁶⁹ E ne e le papiso ya Mora wa katileho. Ntho e nngwe le e nngwe eo Josefa a na e etsa e ne e atleha. Mme mohla Jesu a kgutlang dilemong tse Sekete, ke ka hona mahwatata a tla thunya jwale ka rosa. Ntho e nngwe le e nngwe A e etsang e tla atleha. Ke Mora katileho. Hohle moo o beang Josefa, ho ne ho hlohonolofala. Hoohle moo Jesu a leng teng, ho hlohonolofetse. Ka baka leo, Mo kenyé pelong ya hao mme o hloholofatswe.

⁷⁰ Ka baka leo re a fumana jwale, hore, Josefa o ile a hlahlelwa tjhankaneng mohlang oo. Mme tjhankaneng ho e na le banna ba babedi; e mong wa bona a lahleha mme e mong a bolokeha. Jesu, molekong wa Hae sefapanong, sesenyi se seng se ile sa lahleha mme se seng sa bolokeha.

⁷¹ Mohla A tlotsi, A ya letsohong le letona la Modimo. Josefa mohla a tlotsi, a ya letsohong le letona la Faro, mme ho se motho ya ka buang le Faro pele a bua le Josefa mme a fumana tumello.

Mme enere ha Josefa a tloha paleising... Oh, kgidi! [Moena Branham o opa diatla tsa hae hang—Mong.] Enere ha Josefa a tloha paleising, ho ne ho letsya diterompeta, mme banna ba mathe ka pela hae, ba ntse ba re, “Lengole le kgumame! Josefa o a tla!” Amen!

Mme mohla Jesu a tlohang letsohong le letona la Boholo bo hodimo, diterompeta di tla letsya. Mme lengole ka leng le tla kgumama, le leleme ka leng le bolele, “Jesu o a tla!” Ehlide! Empa ha eba...

⁷² Mme, le hopole, mohla a ne a latolwa ke banab’abo, o ile a etsa’ng? A inkela mosadi wa Moditjhaba; a inkela mosadi wa moEgepeta. Mohla Jesu a ne a thefulwa ho bana Babo ka mora mono, Bajude, A nyala Monyaduwa wa Moditjhaba. Empa jwale, ka mora dilemo, hoba bana ba tswalwe, Efraime le Manasse, a thea lelapa.

⁷³ Yaba, tsatsi le leng, bana babo ba mo tjhakela. Hlokamelang. Re tseba pale, kamoo a ileng a nkenya nthwana ka mono, ho kgutla le yona. Mme a etsa jwale ka hoja a sa tsebe puo ya bona; a e-na le toloko, ya Moheberu, athe e ne e le Moheberu ka boyena. Mme baena ba hae ba ne ba tlie. Ba sa mo tsebe. E le morena e moholo.

Mme hantle jwale, Kreste o etela baJode, ho phekola bakudi ba bona le dintho, mme ba ntse ba sa Mo tsebe ke Mang, Messia eo.

A re qaleng temaneng ya 27 ya kgaolo ya 44.

Mohlanka wa hao nstate, a re ho rona, O a tseba hobane mosadi wa ka o na ntswallie—mosadi wa ka o na ntswallie bara ba le babedi:

E mong wa bona o ntahlehetse,...

E ne e le Josefa, yena eo ba neng ba buisana le yena.

...mme ke itse, Ruri o rusolotswe; mme ho tloha mohlang oo ha kea ka ka hlola ke mmona:

Ekare ha o ka tlosa le enwa ho nna, mme a hlachelwa ke kotsi, le tla theosetsa moriri wa ka o moputswa ngalong ya bafu ka bohloko.

⁷⁴ Ba ne ba e na le Benjamine e monyenyanne mono, moena wa hae e monyenyanne. Le a tseba hobane Benjamine o emetse mang? Sehlopha se setjha sena, sa baJude sa sebele se bokanang mono jwale ho etsa dikete tse lekgolo le mashome a mane a metso e mene, oona—oona morabe o hlahang ona. E seng bakgothotsi bana ba Wall Street, tjhe, tjhe; ke dibeso tse ding tsa kanono. Bao ha se baJude. Bao ha se baJude. BaJude ba sebele ke boBenjamine ba banyenyanne bana ba hlahang tlase ka mona, mme ba eso utlwe Lentswe la Jesu Kreste esita.

Mme jwale tlo ho nna...mme ntatao...le ntate, re se na ngwana; eo moya wa ntate o kgomarelaneleng le moyha hae;

⁷⁵ Bophelo ba Modimo ka sebele bo kgomarelane le Iseraele. O mo nyetse. Re tla kena moo metsotsong e mmalwa, ha Morena a ratile. O nyetse Iseraele. Bophelo ba Hae bo kgamarelane le yena. Jwalo feela kaha ke kgomarelane le Mof. Branham morao mane, mosadi wa ka, mme le wena o kgomaretse mosadi wa hao. Bophelo ba hao bo thatetswe teng. Mme Modimo o nyetse Iseraele. Mme e ne e le eng? Jakobo o boletse, “Bophelo ba ka bo thatetswe ebile bo kgomaretse ngwana enwa. Mme ke tla...”

Mme etlare ha a bona, hoba ngwana o siyo,...

Josefa o ne a batla ho nka ngwana, le a tseba. Re tseba pale.

...mme o tla shwa, ntatae: *mme etlaba rona bahlanka ba hao re theoseditse moriri o moputswa wa mohlanka wa hao ntata rona, nqalong ya bafu ka bohloko.*

Utlwang thapediso eo Rubene a e etsang jwale.

Hobane ke le mohlanka wa hao ke itlama ho wa hao...ntate, ka ngwana ka re, Ekare ha ke sa kgutlisetse...mo kgutlisetse ho wena, ke tla ba le molato ho ntate ka mehla.

Jwale he, kea o rapela, ke le mohlanka wa hao nke ke sale bakeng sa ngwana...

Oh, kgidi! Le a bona, o eme ka pela Josefa hantle, moena'e. Enwa ke Josefa, mme ha a mo tsebe. Oh, ema ho fihlela dilemo tse Sekete tseo di qala, moena!

...mme ke be mofo wa morena:...

Mo utlweng, ha a paka hore ke, “morena.”

...mme ngwana a ikgutlele le ban'abo.

Hobane nka kgutlela jwang ho ntate, ke se na ngwana eo? oho! ke se ke ka bona mahlomola a tlang ho hlahela ntate.

⁷⁶ A rapela, a neela bophelo ba hae! Kamoo ba Jude bao ba tla ema moo ba phutholotse matsoho a bona! Hlokomelang. Hlokomelang jwale ya 45, temana...Mamelang ka hloko, le se ke la e fosa. “Yare ha Josefa a...”

Ebile moo Josefa a sitwang...-tiisa-itiisa pontsheng ya bohole ba mo teetseng hare;...

Moena, ke mohla sebe se fediswang. Ho se dumele ho tla phasaphasa.

...mme a howa re, mme a laela batho bohole ba ho nna ba tswe. Mme ha hoa ka ha ba motho ya salang le yena, ha Josefa a itsebisa banab'abo.

⁷⁷ Ke eng? Esita le mosadi wa hae a kgutlela paleising. Oh, kgidi! Monyaduwa Kganyeng, nakong eo Jesu a kgutlang (re tla kena ho yona mona) ho Itsebisa.

Yaba o phahamisa lenseswe a lla: . . .

Josefa a sitwa ho itiisa ho ya pele, yaba o a hweletsa.

. . . mme ba-Egepeta ba utlwa le ba ntlo ya Faro ba e utlwa.

⁷⁸ Ho ya fihla kwana motsheo paleising, ba utlwa Josefa a lla. Jwale, eo e ne e le papiso ya Kreste ha a kopana le ba-Jude, bao, A tsebang hoba O ba foufaditse re tle re be le sebaka. Empa mohla A kgutlelang ho bona hape, sebe sa Israele se tla fela.

Yaba Josefa o re ho banab'abo, Ke nna Josefa; . . .

Le nahana Jesu o tla reng? “Ke nna Messia wa lona. Ke nna eo le Mo thakgisitseng.”

. . . ana ntate o sa phela? Empa banab'abo ba sitwa ho mo arabela; hobane ba ne ba sisimoha ha ba mmona.

⁷⁹ Oh, ke loketse ho ema motsotso mona. A re phetleng kwana ho Zakaria kgaolong ya 12. Phetlang le nna Bukeng ya Zakaria, kgaolo ya 12 ya Zakaria. Mme mohlomong ke qeta boholo ba nako ha ke qalella ho rera ka yona, empa ke—ke tshepa ha ho jwalo. Mme ke—ke batla le e tshware, hampe.

⁸⁰ Zakaria, a re nkeng kgaolo ya 12 ya Zakaria, mme re bone seo A tla se bua jwale mohla A emang ka pela banab'abo. Zakaria 12, le ya 10. “Ho fedisa sebe,” jwale. Ke hantle, kgaolo ya 12 le temana ya 10.

⁸¹ Lemohang. Mme jwale mona o bua ka mesaletsa; thibello ya Jerusalema; sebata le ho haptjwa ha makgotla, le jwalojwalo; dintho tsohle di fihlela pheletso jwale; mona e se e batla e le ho ya fihla Mileniamong, ho itokisetswa ho qalwa ha Mileniamo hantle jwale.

Ke tla tshela moywa (eng?) mohau . . . hodima ntlo ya Davida, le hodima leaho la Jerusalema, . . .

Amen! Mohau o hlollang!

. . . hodima ntlo . . . baahi ba Jerusalema, (“motse o halalelang” wa Daniele), moywa mohau le wa merapelo: mme ba tla tadima ho nna eo ba mo hlabileng, ba tla mo llela, jwale ka ha ho llelwa mora ya tswetsweng a nnotshi, ba hlomohe habohloko hodima hae, jwale ka ha ho hlomohuwa hodima mora wa letsibolo.

⁸² Mamelang, etlaba hlomoho e kakang eo mohla A emeng mono, a Itsebisa bona, jwale ka ha Josefa a entse! Mamelang.

Mme ka tsatsi leo dillo di tla ba kgolo hakana Jerusalema, di be jwale ka dillo tsa Hadad— . . .

Ha ke kgone ho qapodisa lebitso leo, H-a-d-a-d-r-i-m- -o- . . .

... *Hadadrimone sekgutlong sa Megiddone—Megiddone.*

Lefatshe le tla tlala dillo, ho lle masika wohle ka bonngwe; lesika la ntlo ya Davida ka bonngwe, le basadi ba teng ka bonngwe; le lesika la ntlo ya Nathane ka bonngwe, le masika a teng ka bonngwe;

... *ntlo ya Levi... le basadi ba teng le masika ka bonngwe;... le Simione le ba teng ka bonngwe;*

Mme leha e le masikeng a mang kaofela, lesika le leng le leng ka... le basadi ba teng ka bonngwe.

⁸³ Ba tla itshwabela hakana, mohla ba emeng mono mme ba bona hoba Yena eo ba mo thakgisitseng ba ba ba mo latola, a aeme mono, Josefa wa bona ya ratehang. Ho tla ba le sello se se kakang! Mme ba tla re, “Maoma ao O a fumane kae?”

⁸⁴ O itsé, “Ka tlung ya metswalle ya Ka.” Le bona seo ke se bolelang? Ho fedisa sebe, sa ho se dumele, ke seo A se tlelang.

⁸⁵ Mme selemo sena sa mashome a supileng sa Daniele, veke ya mashome a supileng, ke rialo, e tlela ho fedisa sebe, ho se tlosa. Le a utlwisia jwale? Wa pele ke ofe? “Ho kwalla bobe.” “Ho fedisa sebe.” Wa boraro, “Ho phekola bokgopo.” Lona ba o ngolang fatshe.

Ke ne ke tshwere Mangolo a ka bang tshelela mono, ke mpa ke a tlotse, hoba ho tjhesa hakana. Ha re batle ho qeta nako e ngata. Ke batla ho fihlela boholo boo nka bo kgonang, empa ke sa le tshwarelle halelele. Ke hantle.

⁸⁶ “Ho phekola bokgopo.” *Bokgopo* ke “ho etsa phoso,” jwale ka ha ba entse sefapanong. O entse dipheko, empa e ke ke ya sebeletswa bona. E ne e sa lebisa ho bona. Hobaneng? Hoba ba ne ba foufaditswe mme ba sa kgone ho e bona. Mme hobaneng ba foufaditswe?

O ka re, “Tjhe, mohlomong, kajeno... hoba ke foufetse.” O foufetse ka boomo. Ba ne ba foufetse hoba Modimo o ne o ba foufaditse. Empa wena o foufetse hoba o foufetse ka boomo. Ha ho pheko bakeng sa hao. “Ha le sa dumele hoba Ke Yena,” Jesu o itsalo, “le tla shwa sebeng sa lona.” Ke hantle.

⁸⁷ Jwale a re phetleng ho Zakaria hape, kgaolong ya 13. Jwale a re mameleleng mona. “Ho etsa dipheko.” Jwale, moo ntho ena... Ke ne ke batla motho e mong, utlwang sena—utlwang sena, empa mohlomong Morena o tla e fetisa ka tsela e itseng.

Ka tsatsi leo...

⁸⁸ “Ka tsatsi leo.” Ngaka Scofield o ngotse mona pokellong ya hae ya dintlha, kapa sehloohong sa hae sa diratswana, “Mesaletsa... Masalla a bakang a supiswa sefapanong.”

⁸⁹ “Ho phekola bokgopo.” Bokgopo, ke ntho e phoso eo o e entseng, athe o tsebile hantle, o no o sa lokela ho e etsa. “Hola eba ke hopotse bokgopo pelong ya ka, Modimo a ka be a sa ka a nkutlw.”

⁹⁰ Jwale, ho Zakaria kgaolong ya 13, a re qaleng ho ya 1, temaneng ya 1.

*Sediba se tla ba teng ka tsatsi leo se kwahollotsweng
ka hara ntlong ya Davida le baahi ba Jerusalema ho
hlatswa sebe... ditshila.*

⁹¹ Ntlo e tla ba teng e kwaholotsweng. Tswelang pele; re ka e bala ra theohela tlase. Ke batla le le tshwaye le tle le le bale. Empa jwale, mona ke tshwaile ho qala temaneng ya 6 le ho balla ho ya 10. Ke hantle, a re baleng jwale mme re bone, ho balla temaneng ya 9, ke rialo.

*Etlare ha ba re ho yena, hore ke kae... Ke a'ng
maqeba ana a letsohong a hao? O tla re, Ke a... ao ke
nang a entsweng... (A re boneng...) tla re, Ke ao ke
a entsweng tlung ya metswalle ya ka.*

*Wena lerumo, tsohela modisa wa ka, e leng monna e
leng mohaeso, ho bolela JEHOVA wa makgotla: Otla
modisa, dinku di tle di qhalane: empa ke tla busa
letsoho la ka hodima ba banyenyane.*

⁹² Jwale, Jesu o badile Lengolo leo. Le a bona, “Otla Modisa, mme o qhale dinku.” Empa lemohang seratswana se latelang. O le badile hakaalo feela. Empa hlakomelang polelo e latelang ya lona e re, karolo ya lona e latelang. “Mme Ke tla busa letsoho la Ka hodima ba banyenyane.” Eng? Sehlopha sa Benjamine se tleng jwale. “Ke tla busa letsoho la Ka hodima ba banyenyane.”

⁹³ “Otla Modisa.” Iseraele, pele, Iseraele e ile ya otla Modisa, ho qhala dinku lefatsheng lohle. Empa Modimo wa re, “Ke tla busa letsoho la Ka, ho tshwara ba banyenyane tsatsing la ho getela.” Neneng? Mohla pheko ya bokgopo e seng e phethilwe.

⁹⁴ Iseraele o tla bolokeha, e mong le e mong wa bona. A re phetleng ho Esaia. Esaia, kgaolo ya 66 ya Esaia, mme re bale motsotswana feela. Mme re bone seo Modimo o se boleleng ka ho pholoswa ha Iseraele, ho tla nka nako e kakang ho pholosa Iseraele. Shebang e tla hlaha kapele hakakang. Ho Esaia, kgaolo ya 66 le temana ya 8. Ha le batla ho e bala yohle, ho lokile.

*Ke mang ya utlwileng taba e jwalo? ke mang ya
boneng e tshwanang le tsona? Na naha e ka
tswalwa... tsatsi le le leng... ka tsatsi le le leng?...
ha e le mona Sione a tswala bana ba hae kapele a sa
qala ho utlwa bohloko na.*

⁹⁵ Hang feela hoba Sione a bone ha eo e ne e le Messia wa hae, o ile a tswalwa labobedi, ka tsatsi le le leng. “Ho phekola

dibe, le ho phekola bokgopo, le ho se hlweke.” Oho, kgidi! Ba entse ho neng ho le hobe, ho neng ho fosahetse. Pheko e ile ya etsetswa bokgopo ba bona.

⁹⁶ Wa bone. “Ho hlahisa ho loka ho sa feleng.” Ke ntho ya bone eo A e tlelang. Ya bone, seo A tlelang ho se etsa, “Ho—ho hlahisa ho loka ho sa feleng.” “Ho fedisa sebe; poelano; le ho hlahisa ho loka ho sa feleng.” Mohla ditlolo tsa Iseraele di ne di fela... Mohla tlolo ya Iseraele...

⁹⁷ Jwale re tla... Ke batla le tshware hona, hoba ha re hlahisa mosadi eo, le ho lelekwa ha drakone, le tla kgutlela Lengolong lena hantle hape. Etsang bonnete ba ho Le ngola fatshe. Mohla tlolo ya Iseraele e felang, Satane, e leng moqosi wa bona le moqosi wa rona, Satane o tla kwallwa sekoting se se nang botebo. Ha ho etsahala’ng? Mohla ho hlahiswang ho loka ho sa feleng, ntho e ke keng ya fela, hohle ho hlahisitseng bokgopo ho tla fediswa.

⁹⁸ A re nkeng Ditshenolo kgaolo ya 20 le temana ya 13, motsotsotso feela, mme a re baleng mona motsotsotso feela. Ditshenolo 20, le 13... Tjhe, ntshwareleng. Ditshenolo... 1 ho fihla ho 3, ke yona. Ha ke a bona letshwaonyana leo dipakeng. Mofufutso wa ka mona o kena ka mahlong a ka. Ditshenolo kgaolong ya 20, mme a re boneng.

*Ka ntoo bona lengeloi le leng le theoha lehodimong,
le tshwere dinotlolo sa sekoti le lehladahela le leholo
letsohong la lona.*

*...la tshwara drakone, noha ya kgale, e leng
Diabolosi, le Satane, mme la e holeha dilemo tse sekete,*

*La e akgela sekoting, la e kwalla teng, mme la tiisa
hodima sona, hore e se ke ya hlola e kgelosa setjhaba,
dilemo tse sekete di eso ho phethehe: ka mora tseo e ka
kgona... lokollwe motsotsos o se mokae.*

⁹⁹ Ho hlahisa ho sa feleng... “Ho hlahisa ho loka ho sa feleng,” Satane sekoting se se nang botebo. Le mohla A etsang hoo, mme a bittiella Diabolosi ya kgelositseng batho.

¹⁰⁰ Jwale a re phetleng ho Habakkuke, kgaolong ya 2. Habakkuke, kgaolo ya 2. Mme jwale re tla bona hobaneng A ile a kwalla noha ena ya kgale, le hore ho entswe ka morero ofe, le hore hang ka mora hoba a kwallwe ho etsahala eng. Ke rata hona, ha ho jwalo ho lona? [Phutheho e re, “Amen.”—Mong.] E—e re tlisa tsebong ya ho hong. Habakkuke, Habakkuke, kgaolo ya 2 le temana ya 14, ke a kgolwa ke yona, ke batla ho bala. Mohla hona ho etsahalang... Hlokomelang.

*Hobane lefatshe le tla tlala tsebo le kganya ya
JEHOVA, jwale ka metsi ha a aparetse lewatle.*

¹⁰¹ Uuuuh, kgidi! [Moena Branham o opa diatla tsa hae—Mong.] Shuu! Ka mantswe a mang, ha sera se tlositswe, pheletso ya sebe

e fihlile, ho hlahiswa ha ho loka ho sa feleng ho se ho fihlile, Satane o bitieletswe sekoting se se nang botebo, mme tsebo ya Morena e tla tlala lefatshe jwale ka ha metsi a aparela lewatle. Amen! Kganya ho Modimo! E a tla, moena, e a tla! Basadi e tla ba mafumahadi, mme banna e be bahlomphedi. Amen!

Mohla tsebo ya Morena e tlalang lefatshe
lelewatl le sebaka;
Mme, oh, pelo ya ka e fehelwa, e llela tsatsi
leola tokoloho e monate,
Mohla Jesu wa rona a tlang lefatsheng hape.

¹⁰² Amen! Ke hantle. Jwale, dilemo tse Sekete di tla be di fihlile he. Ke mohla Mileniamo, mohla Motse o tla hahwa. Wa bone... Ke sa tshwere Mangolo a tsheletseng hape, empa re tla potlaka. Jwale, ha re kgutla, ke tla nka Mangolo ana a mang; empa ho le fa mohopolo o akaretsang feela.

¹⁰³ Wa bohlano. “Ho tiisa pono le boporofeta.” Le a bona, Lengelo leo le tlide ho tiisa pono le boporofeta.

Ha ke—ke batle ho bua sena. Empa, mongodi e mong e moholo, eo ke neng ke bala ka yena tsatsi le leng, keha a sa dubakanya ntho eo! A bolela hore e ne e le eng. Jwale, ho bontsha feela kamoo bothoto...

Oh, ntshwareleng. Ha ke a ikemisetsa ho rialo. Ntshwareleng. Ha ke rialo. Ruri ke ne ke sa ikemisetsa. Tjhe.

E—e—monna ya se nang tlotso, le a bona, monna o ile a re, “Le a bona mona haesale dipono le boporofeta di baletswe kereke ya Bajude kamehla.” Mme a re, “Ho tloha mehleng ya Daniele ho tswela pele, ha Daniele a ne a fihla, ho ne ho bolela hore ha ba sa tla hlola ba fumana dipono leha e le boporofeta hape.” Ho re, “Dintho tsena tsohle tseo ba buang ka tsona, ka ho bona dipono le boporofeta, e ne e le ntho ya Diabolosi kahohle, ha ho ntho e kang dipono le boporofeta.”

Moena, ho bile le ditosene tsa baporofeta ka mora Daniele. Mme ho bile le Johanne Mokolobetsi. Ha ba le Jesu Kreste. Ha ba le baporofeta ho haola jwalo Testamenteng e Ntjha. Ha ba le dipono. Ha ba le Mangeloi.

Motho a ka hla a rialo jwang? Empa, le a bona, ke ka morero wa boitshepo, ka ho leka ho sutumetsa ntho e nngwe bathong, ho thea thutonyana ya kereke, kapa nthwana e sa tsebisahaleng, e tle e fetohne nnete bathong. Mme ha batho ba se na Moya o Halalelang, ba tla thetswa ke yona.

¹⁰⁴ Jwale, re se nke se bolelwang ke monna ya itseng. Jwale, ha ho Lengolo ho paka hono. Ka baka leo be nka nka taba eo jwang? Tjhe, a re fumaneng hantle hore ho tiisa ke eng. Hlokomelelang! O tlide ho etsa hoo, ho tiisa pono le boporofeta.

¹⁰⁵ Jwale, a re phetleng morao Bukeng ya Daniele, moo re ne re le teng. Kwana Bukeng ya Daniele, re tla fumana seo E se

boletseng. Jwale a re phetleng ho Daniele kgaolo ya 12. Jwale, ha re fihla ho Daniele 12, jwale, re ka qala. Le ho bala ho tloha ho... Ha le fihla hae, ke batla le bale ho tloha temaneng ya 1 ho tswella jwalo. A re baleng feela ho tloha temaneng ya 1, ho theohela ho ya 4.

*Mehleng Mikaele eo kgosana eo e kgolo... tla emela
bara ba setjhaba sa heno o tla hlahab... .*

Jwale, mona ke nakong ya qetelo.

*...mme matsatsi a matswalo a tla ba teng, ao a
jwalo a e-song ho be teng e sa le... setjhaba... .*

Ke mohla anikreste, mokalli enwa wa Tiiso ya Pele a tswang, mohla a lhahellang.

...ekasita le ho fihlisa nakong ena:... .

E seng mohla Titase a ne a hapa marako a Jerusalema. E ne e mpa e le sebakeng se seng feela. Hlokomelang mohla antikreste enwa, kgosana eo e neng e tla tla, hlokomelang mohla e fihang.

*...ho fihla nakong eo: empa mehleng yona eo
setjhaba sa heno se tla bolokeha, e leng bohole ba
ngodilweng bukeng.*

Alleluia! “Setjhaba sa heno,” Israele, “se tla ngolwa bukeng.”

*Ba bangata ho ba robetseng leroleng la lefatshe ba
tla tsoha, ba bang ba tsohele bophelo bo sa feleng, ba
bang ba tsohele dihlong le sekgobo se sa feleng.*

¹⁰⁶ Moo e ne e ka ba mohla Titase a hapang marako a Jerusalema jwang? Ho no ho ka ba jwalo jwang? Ho no ho ke ke ha etsahala. Le a bona, o bua ka nako ya qetelo, tsohong. Na ho jwalo? Jwale:

*Empa ba hlalefileng ba tla kganya jwale ka kganya
ya lehodimo; ba tlosang... ba kgannetseng ba bangata
ho lokeng... jwale ka dinaledi ka mehla... .*

Mamelang! Ke ena moo e leng teng, tiiso ya sebele, ya nnete.

*Wena, Daniele, o kwahele taba tseo, o manehe buka
ena ka tiiso, ho isa nakong ya bofelo:... .*

¹⁰⁷ Ke eng? Oh, alleluia! Le a e bona, tlelase? Tshenolo ena ya Jesu Kreste, le ya Matla a Hae, a ho Tla ha Hae, ya nako ya ho qetela, e ne e kwahetswe ka tiiso ho fihlela nako ena. Ke seo A tlelang ho se etsa. E patetswe baithuti; ha ho makatse, ba batla ho lebisa, “ho tiisa,” morao kwana, ho “ha ho baporofeta,” le ntho e nngwe le e nngwe morao kwana. E ke ke ya boloka metsi. Empa pono, pono ena, e sa le e tiisitswe ho fihlela hantle mona hona jwale. Mme ke hona moo ke beileng tumelo ya ka teng,

hore Modimo o tla senola diveke tseo tse mashome a supileng. Amen! “Ho tiisa,” O boletse, “ho isa nakong ya qetelo. Kwalla Mantswe mme o tiise Buka ho isa nakong ya bofelo.”

¹⁰⁸ O ile a etsa’ng? Ho tiisa pono le boporofeta! Daniele o na porofetile dintho tsena. O ne a e bone ponong, mme Lengeloi la theoha ho tiisa pono, le ho tiisa boporofeta. Ba ka e bala, empa ba ke ke ba e utlwisia, ho fihlela nako ya qetelo. Nako ya qetelo, nako ya qetelo ke eng? Pheletso ya veke ya mashome a supileng, mohla kgosana eo, antikreste, a tla senolwa, nakong ena, a iketsa Modimo. Re tseba jwang hore taba ee e tiisitswe ho be ho fihle nako? Daniele o sa tswa qeta; ena ke kgaolo ya ho qetela ya Daniele.

¹⁰⁹ Kgaitsemi Simpson o mpoleletse thapama ena, a re, “Moena Branham, ke badile Buka yohle ya Daniele. Ke—ke ne ke sa tsebe ha holwanyane ha ke ne ke kgaotsa, ke qeta, ho feta kamoo ke ne ke tseba ha ke ne ke qala.” Ke ena moo e leng teng, Kgaitsemi Simpson, ha o le teng bosiusing bona. Ke a kgolwa ke mmona a dutse mono. Ha ke a ka ka bua letho ka tereilareng. Ka ikgutsetsa, hoba ke ne ke hopotse hoba mohlolomong ke tla fihla ho yona.

Empa, pono eo Daniele a e boneng, tlase mono nokeng, e ne e tiisitswe, “ho isa nakong ya bofelo.” Ke... E re ke tswelepele mme ke e bale mona. Le a bona?

Wena, Daniele, o kwahele taba tseo, o manehe buka ena ka tiiso, ho isa bofelong ba nako: ba bangata ba tla e bala, mme tsebo e tla eketswa.

Mme nna Daniele kea tadima, mme, bonang, ba... babedi,... mong mose o kwano wa noka, e mong lehlakoreng lela la noka.

E mong a re ho motho ya apereng li-line, ya emeng hodima metsi a noka, Ke neng bofelo ba taba tseo tse makatsang bo tla hlaha?

Jwale mamelang.

Ka utlwa motho ya apereng line, ya emeng hodima metsi a noka, ha a emisetsha letsoho le letona le letsoho le letshehadi lehodimong, a hlapanya ka ya phela ka ho sa feleng le mehla a re ho setse nako e le nngwe, nako, le halofo ya nako;...

Jwale, re fumana hantle—hantle ka nepo, “Nako, nako, le bohare ba nako.” Jwale le hlokomele ha re kena divekeng tsa Daniele tse mashome a supileng, kamoo ntho eo e hlahellang kateng. Ke mohla sephiri se tla senolwa. Ke hantle. “Nako, nako, le bohare ba nako.”

...etlare ha a... (“a,” leemedi la motho jwale, antikreste)... e tla fe-... fela—qhalanyo ya matla a

setjhaba se halalelang e fela, (ke mohla a robang selekane sa hae mahareng a veke), hoo hohle ho tla etsahala. (Amen.)

Ka utlwa, ke mpa ke sa utlwisise: mme ka re, Morena . . . , taba tseo di tla fell a kae?

A re ho nna, E-ea, Daniele: hobane ditaba tseo di tla sala di kwahetswe di tiisitswe ho fihlisa nakong ya . . .

[Moena Branham o a thola. Phutheho e re, “Bofelo!”— Mong.] Oh, le se lebale taba eo!

. . . ho fihlisa nakong ya bofelo.

Ba bangata ba tla hlwekiswa, ba sweufale, ba lekwe; ba babe ba ya nne ba etse hampe: mme ha ho moetsadibe ya tla utlwisia; empa ba hlalefileng ba tla utlwisia.

¹¹⁰ Molaetsa wa nako ya qetelo o tla e senola; mongwahakgolo wa kereke ya ho qetela. Thoriso! Shuu! Ke lona bao! Oho, kgidi! E a ntsitsinya, ho nahana ka yona, sephiri! Dintho tseo kereke ya lefatsho e di qhwayang ka mahlo, e re, “Ke dithole.” Sephiri sa hore Jesu Kreste e ne e le Mang; e seng Motho wa boraro, e seng Motho wa bobedi, e seng Motho wa boraro, empa Motho *yena* Modimo. Diphiri tsena tsohle tsa Modimo di tla senolwa, hoba ho ngodilwe Bukeng mona, mme di senolelwe moloko wa nako ya qetelo. Ba ke ke ba e bona diseminareng, le dikolong, le diphuthehong tse hlophilweng, jwale ka ha Bajuda ba sitlweng ho bona Jesu e le Messia. Ha ho makatse ha ba leka ho nahana hore le a hlanya. Ha ho makatse ha ba le nka le thotofetse. Ha ho makatse ha ba sa utlwisise hore hobaneng le sa amohele pina mmoho le bona. Hoba, ho na le Matla le pono ka mora yona, Lentswe la Modimo le senotsweng, ho hlophisetsa Kereke Tlhwbilo le leeto le yang Hae. E. “Ba bangata ba tla mathela kwana ba be ba kgutle, mme tsebo e tla eketseha.” Ruri.

¹¹¹ Jwale, ntho e nngwe e tla tsebjwa ke efe? Shebang kajeno, dikereke. Ke ena moo e leng teng. Ke a kgolwa ha e thonkge, empa ke tlamehile ho e bua. Ho etsa . . .

¹¹² Antikreste o tla hlaha ka tsatsi leo.

¹¹³ Jwale, hopolang, ha re kena Ditiisong, antikreste eo o kalla a ba a tlolela ka nqane ho Ditiiso tseo. Daniele o buile ka yona mona, “Kgosana e tla tla.” O tla kgaolwa, Jesu o tla kgaolwa, ho etsetsa batho pheko. Empa, “Kgosana eo e tla ema, e tla hlahisa manyala a bofediso,” e ne e le Roma, ka Titase. Meh leng ena, ke kgosana e tswang Roma, e tla etsa hoo. Mme o tla senolwa tsatsing la qetelo, jwale mamelang, “ya iketsang Modimo,” jwale ka ha Moya o Halalelang o re hlokomedisa ho Bathesalonika ba Bobedi, ya bo 2.

A re feteleng ho yona, Bathessalonika ba Bobedi, mme jwale le tle le se ke la nka lentswe la ka empa Lentswe la Modimo.

Bathessalonika ba Bobedi, kgaolo ya 2 le temana ya 12. A re boneng. Bathessalonika ba Bobedi, kgaolo ya 2 le temana ya 12. A re boneng. A re qaleng hodingwana ho mono, temana ya 7.

Hobane sephiri sa bokgopo se se se sebetseha: . . . (Ke Paulose enwa ya buang, ka Moya o Halalelang.) . . . feela—feela yena ya mo thibetseng, e ka kgona a tloswe.

“Ya” ke mang mona? Ho na le motho ya tsebang? Moya o Halalelang, “Ya mo dumellang.”

Mme ke moo (mohla) ho tla hlaha Molotsana, . . .

Neneng? Feela mohla Moya o Halalelang o tloswang, o itokisetsang ho tsamaya hona jwale hantle. O tsamaela’ng? O nka Kereke o tsamaya le Yona. “Senolwa!” Ke Paulose ya buang, tlasa tshusumetso.

. . . eo Morena a tlang ho mo fedisa ka moyo wa molomo wa hae, mme o tla mo timetsa ka ponahalo ya ho hlaha ha hae: (molotsana eo, ehlide.)

Ke lekanya eo, ho tla ha hae ho leng ka tshebetso ya Satane ka matla ohle le ka dipontsho le ka mehlolo ya bohata,

“Re kereke e kgolo ka ho fetisisa. Re ruile sena. Re ruile sena. Lona bohole le ke le kopane mmoho, le a bona. Re baholohadi ka ho fetisa.” Mehlolo ya bohata!

Le ka . . . yohle ya bokgopo ho ba timelang; hobane ha ba ka ba amohela sa lerato la ho rata ho rata nnete, ba tle ba bolokehe.

Ke ka baka leo Modimo o romeletseng moyo wa dithetso, o sebetsang ka matla ba tle ba dumele bohata—ba tle ba dumele bohata:

Le hore ho tle ho ahlolwe . . . ba sa kang ba dumela nnete, ba mpa ba thabetse bokgopo.

¹¹⁴ Le a e tshwara? [Phutheho e re, “Amen.”—Mong.] Oho, kgidi! Jwale, ke Paulose ya buang. Mohla Tiiso ya Modimo e tsebahatswang, Moya wa Hae, Lebitso la Hae, Mohau wa Hae, diphiri tse ding tsena tsohle tse kgolo tse tswellang jwale, malebaleba a hore Kereke ya Hae e tle e kene Tlhwbibilong; tsholohya Moya o Halalelang e phethile sena. Ke seo A se entseng matsatsing a qetelo.

¹¹⁵ Jwale, a re boneng. Na re na le nako ya yona ena ya ho getela? [Phutheho e re, “Amen.”—Mong.] Wa botshelela, “Ho tlotsa Sehalaledisiso.” Oho, kgidi! Ke ena taba! Ntho ya ho getela A loketseng ho e etsa, ke ho etsa’ng? Jwale, a re kgutleleng morao ho Daniele, ho fumana sohle seo A loketseng ho se etsa mona hantle. “Diveke tse mashome a supileng.” Ho tla phethahatsw’ang nakong ee? Ho lokile.

...tse badilweng hodima setjhaba sa heno...motse wa heno o halalelang, ho kwalla dimpe (ditlololo tsa setjhaba),...ho fedisa sebe (bakeng sa batho), le ho phekola bokgopo ba bona, le ho hlahisa ho loka ho sa feleng (bakeng sa ba-Juda), le ho tiisa pono le boporofeta (ho fihlela nakong ya qetelo), le ho tlotsa Sehalaledisiso.

Ke sepheo sa mekgahlelo e tsheletseng sa ho tla ha Hae.

¹¹⁶ Jwale, “ho tlotsa Sehalaledisiso.” Jwale, hona ho ka makatsa motsotsotso feela, ho lona baruti ba bangata, empa be butleng motsotsotso feela, ho bona kamoo e hlahellang kateng.

¹¹⁷ Ena ke tlotsa, e seng ya motho. Jesu o sa na tlotswe. Ho lokile? [Phutheho, “Amen.”—Mong.] Buka ya Diketso e boletse ha Modimo o tlotsitse Jesu ka Moya o Halalelang; A ya hohle a etsa ho lokileng, le ho phekola ba kulang, le jwalojwalo. Jesu, o sa na qetwe. Ke Messiah. Mme *Messiah* ke ho re “ya Tlotsitsweng.” Ke nnete? Empa mona nakong ya qetelo, e ka kgona A tlotsa Sehalaledisiso.

¹¹⁸ “Sehalaledisiso” ke eng? Ka moo ke e bonang kateng, etswe nka e paka ka Lengolo, ke ho tlotsa “Sehalaledisiso,” e leng Tabernakele e tla sebediswa dilemong tse Sekete. Jwale, mamelang, bonang hobaneng ke e fumana. E hlalositswe ho Ezekiele, yona—yona kgaolo ya 4, le...Tjhe, ke bolela kgaolo ya 43, temana ya 1 le ya 6. A re kgutleleng ho Ezekiele re fumane ka moo a tshwantshang mehla ya dilemo tse Sekete, ka moo ba tla tlotsa yona...Ezekiele 43, mme re ke re baleng ho se hokae mona jwale mme re bone seo A tllang ho se etsa dilemong tse Sekete tsena, ho tlotsa. Ho Ezekiele 43, ke hantle, mme jwale a re qaleng ho ya 1, ho isa temaneng ya 6. Le ka bala ntho yohle hoba le fihle hae, ehlile, lona ba ntseng ba ngola fatshe, Ezekiele 43. “Yaba...”

¹¹⁹ Jwale, le hlokomele, tekanyo ya Tempele e tla hahuwa dilemong tse Sekete. Jwale, motho mang kapa mang, mmadi e mong le e mong o a tseba, hore ho tloha ho kgaolong ya 40 ya Ezekiele, ho fihlela kgaolong ya 44, ha se letho haese ho hlongwa ha Tempele ya dilemo tse Sekete lefatsheng, (motho mang kapa mang o tseba hono, le a bona), mohla kganya ya Morena e tlalang yona, le jwalojwalo ka mokgwa oo. Jwale re a...re tli’lo hhalosa Tempele kgaolong ya 43, le temaneng ya 1 ho isa ho ya 6.

Hamorao o ntlisa monyakong, monyako o lebileng nga bochabela:

Mme, ka bona, kganya...Modimo wa Iseraele e e-tla e e-tsoa bochabela: lenseswe leo le le jwale ka lenseswe la metsi a mangata: lefatshe le ne le benya ka kganya eo.

Hoo ke neng ke ho bona ho no ho na le ponahalo e kang ya seo ke na beng ke se bone, mohla ke tlang ho

timetsa motse: mme pono e ne e na le ponahalo e kang ya tseo ke na beng ke di bone nokeng ya Kebare; yaba ke ikakhela fatshe ka sefahleho.

Mme kganya ya JEHOVA—kganya ya JEHOVA ya kena tlung ka tsela ya monyako o tademileng nga bochabela.

Keha moyo o nkuka, wa ntlisa lebaleng le kahare: mme, ka bona, kganya ya JEHOVA e tletse ntlo.

Yaba ke utlwa e mong a buang le nna a le ka tlung; yaba ho ema motho pel'ka ka.

¹²⁰ Tlotso, ho tlotsetsa Tempele eo mmuso wa dilemo tse Sekete. Jwale hlokamelang ho Levitike. Jwale hlokamelang kamoo e kgakotsweng ho Levitike. Jwale, ha re kgutlela ho Levitike, re fumana hoba Moshe o ile a tlotsa tempele. A re kgutleng morao re sa le ho yona. Re na le nako e kaalo feela. Mme a re kgutleleng ho Levitike mme re fumaneng mohla Moshe a na a tlotsa tempele, ho Levitike kgaolong ya 8.

¹²¹ Oho, ke rata feela ho bapisa Mangolo ka Mangolo. Ha le rate seo? [Phutheho e re, "Amen."—Mong.] Eba jwale le—le tlelwa ke e—e—mohopolo wa seo re se batlang le seo re se etsang. Jwale, e mong le e mong wa lona o a lemoha hore re sebedisa Lengolo feela nako le nako, tabeng ena.

¹²² Jwale, kgaolo ya 8 ya Levitike, mme ke tshwaile mona, temana ya 10. Lemohang Levitike 8:10. A re boneng.

Moshe a nto nka oli ya tlolo, mme a tlotsa ka oli ya tlolo, a tlotsa tente ya pokano le dintho kaofela tse neng di le kateng, mme a di kgetha jwalo.

...foka hasupa ka yona aletareng, ...a tlotsa aletare le dintho, morifi le sedulwana sa oona, ho isa...ho di kgetha.

A tsholella hloohong ya Aarone oli ya tlolo, a mo tlotsa, a tle a kgethwe.

¹²³ Moshe, lehwatateng, o kgetha, kapa ho tlotsa tente ya pokano ya ho rapela, bakeng sa bana ba Israele ba sa le leetong la bona. E ile ya tlotswa.

¹²⁴ Jwale, ho Dikronike tsa Bobedi, phetlang, mme re tla bona kgakolo eo mohla Moya o Halalelang o no o nka madulo a Oona tabernakeleng, mme le hlokomele se etsahetseng jwale. Ho Dikronike tsa Bobedi kgaolong ya 5, mme a re qaleng temaneng ya 13. Dikronike tsa Bobedi kgaolo ya 5, mme a re qaleng temaneng ya 13.

Mme...diterompeta le bona ba binang eitse ha ba kopanya manswe...a le mong ho rorisa le ho ditebohong ho JEHOVA; mme ba phahamisa lenseswe ha ho ntse ho letswa terompeta le dicimbala le tsona

*diletsa tse ding, ba ntse ba boka JEHOVA ba re,
Hobane o molemo; le hobane mehauhelo wa hae ke o
sa feleng: ntlo, ntlo ya JEHOVA ya tlala leri;*

*Baprista ba ba ba ema... baprista ba ba ba sitwa ho
ea le ho ema tshebetsong ya bona ka baka la leri:
hobane ntlo ya JEHOVA e ne e tletse kganya Modimo.*

¹²⁵ Modimo wa kena nqalang e halalelang e neng e tla tlotswa, mme sa abelwa Yena batho ba tle ba tle ho rapela teng. Ka baka leo, ho tlotsa, e seng, nqalo “ya hao e halalelang”, empa ho tlotsa nqalo eo e leng “Sehalaledisiso.” Mme re a elellwa, hore, Jerusalema e Motjha ke nqalo eo e leng “Sehalaledisiso.” Mme tlolo e tla dula hodima Jerusalema e Motjha ya theohang ho Modimo Lehodimong, a hlophilwe jwale ka monyaduwa ya lokiseditsweng monna wa hae. Tlotso e tla dula hodima bona.

¹²⁶ Jwale, mohla Zerrubabele a ne a kgakola tempele ya hae, ka mora hoba e tsoswe, ha e a ka ya hlola e tlotswa hape, hoba e ne e se e tlotsitswe; le ho heletswa, mme ya mpa ya laolwa botjha. Tshenyeho e neng e e wetse hodimo. E ne e laotswe botjha le ho hlongwa botjha, ha ho le jwalo ha e a ka ya tlotswa hape. Ha e se e tlotsitswe hang, hoo ho tswella jwalo, mme e tswella jwalo ho fihlela nakong yona ena. Empa mohla Modimo o hlomang Tabernakele ya dilemo tse Sekete, O tla tlotsa Sehalaledisiso; e seng “wa heno o halalelang,” empa “Sehalaledisiso.”

¹²⁷ Empa mohla Morena a dulang Teroneng ya Hae dilemong tse sekete, (glory!) ho fedile ka yona. Tlotso ya Sehalaledisiso ke ntho ya ho qetela e tla etsahala. Hoba Tabernakele e hlonngwe; tsoho e se e tlide; ba-Jode ba kgutlide; Kreste le Monyaduwa wa Hae ba tlide; mo-Jode, ba dikete tse lekgolo le nang le mashome a mane a metso e mene ba tshwailwe; dilemo tse Sekete di se di fedile. Tlolo e tla ba bewa mohla Sehalaledisiso se tlotswang; sehalalelo, nqalo e Halalehileng ka ho fetisisa, le Sehalaledisiso. Athé, sebaka sa Sehalaledisiso ke nqalo e kgethehileng moo Modimo o no o dula teng, pakeng tsa Dikerubime. Mme, nakong ena, Kreste o tla dula Sehalaledisison, mme tlolo e le hodima Hae. Mme ha ba sa tla hloka letsatsi moo, hoba Konyana e dutseng bohareng ba Motse e tla e be e le Lesedi. Letsatsi le ke ke la dikela Motseng oo, jwale ka ha Malome Jim a n'a bolele. Mme le ke ke la hlola, hoba Kreste e tla be e le Lesedi leo, Motlotsuwa. Mme Morena o tla tla a dule Teroneng ya Hae ka dilemo tse Sekete se le seng, ho busa.

¹²⁸ Jeremia 3:12-18, mmoho, a re e baleng. Kwana ho Jeremia kgaolong ya 18, ke a kgolwa. Eya. Tjhe, kgaolo ya 12, ntshwareleng, kgaolo ya 12 ya Jeremia, mme a re qaleng ka—ka...Jeremia 3, ntshwareleng. Jeremeia 3, eo ke e ngotseng mona, hona moo, ha ke ntse ke bala, Moya o Halalelang o nong o ntlosa sebakeng se seng ho ya sebakeng se seng, ka mpa ka ngwapa ana fatshe hantle kamoo ke neng ke kgona. Jeremia 3, mme hape le 12 ho isa ho 18, mmoho. A re e baleng.

*E-ya o bolele mantswe ana ngeng ya leboya, o re,
Kgutla, Iseraele e kwenehileng, ho bolela JEHOVA;
nke ke ka o sosobanyetsa sa ka—sa ka... ka o
sosobanyetsa sefahleho: hobane ke mohau, ho bolela
JEHOVA, nke ke ka nna ka losa disuwa ka mehla.*

*Feele o ipolele bokgopo ba hao, hobane o kwenehetse
JEHOVA Modimo wa hao, o nnile wa titimela ka nqa
tsohle ho moditjhaba ka tlasa difate tsohle tse
mahlaku a matala,...*

Ke seo ba se entseng, ho tswa bochabela, bophirimela,
setjhabeng se seng le se seng. Le a bona?

*...le mpa le sa ka la mamela lona lenseswe, lenseswe
la ka, ho bolela JEHOVA.*

“Kgutlang!” Utlwang sena.

*Kgutlang, bana ba kwenehileng, ho bolela JEHOVA;
hobane ke (n-y-e-t-s- -e)...nna mong a lona:...*

“Mahlo a bona a foufatswa, hobane Ke nea Baditjhaba
monyetla. Empa, lona le kgutle, hoba Ke le nyetse.”

*...ke tla le nka e mong motseng o mong, ba babedi
molokong o mong,...*

Ha se bohole ba ipitsang ba-Juda ba tla kena. Empa ke
sehlopha se kgethiltweng seo se tla kena, Benjamine e
monyenyan eo ya theohetseng mono ka pel'a Josefa, sehlopha
seo se tswang setjhabeng se seng le se seng, a le mong ho tswa
motseng, le ho tswa lelokong.

...ke le busetse Sione:

*Ke tla le nea modisa ba kgahlisang wena, ba le alose
ka tsebo le ka kelello.*

*Etflare, ha le se le atile le anafetse lefatsheng,
mehleng eo, ho bolela JEHOVA, ha ba sa tla hlola ba
bolela, A—Areka ya selekane sa JEHOVA: ha e sa tla
hopolwa dipelong: ha ba tla e hopola; ha ba—ba sa tla
e hlolahelwa; mme ha ho ka ke ha etswa eo e nngwe.*

*Mehleng eo Jerusalema e tla bitswa terone ya
JEHOVA; (kaha A tla be a le teng moo, le a bona),
setjhaba tsohle di tla phutheha (allelua) Jerusalema: le
ka baka la lebitso la JEHOVA, mme ha di sa tla
tsamaya ka mathata a tsona a dipelo tsa bona tse mpe.*

¹²⁹ Ke mohla Motse oo o tlotswang. Ke mohla Jerusalema e Motjha a tlotswang. Mme ditjhaba tsohle tsa Motse...Kwana ho Ditshenolo kgaolong ya 22, e boletse hoba menyako ha e ka ke ya kwalwa bosiu, hoba bosiu ha bo yo moo. Mme marena a lefatshe a tla tlisa hlompho ya wona le kganya Motseng ona. Marako a wona e tla ba jaspere le lejwe la sardone, mefuta e

leshome le metso e mmedi ya majwe; le menyako e leshome le metso e mmedi ya perela e patahaneng, monyakong o mong le o mong. Ha ho sa tla hlokwa kandelare mono. Lesedi la letsatsi ha le sa tla ba teng, hoba Konyana e hara Motse e tla ba Lesedi. Mme O tla isa setjhaba sa Hae Bophelong bo sa Feleng. Ho tla ema difate tse pedi, se le seng lehlakoreng ka leng la noka, mme di molemong wa phodiso ya setjhaba. Ke Motlotsuwa eo ya tla tla, Motse o Halalelang o theohang ho Modimo Lehodimong, o tla lefatsheng.

¹³⁰ A re nkeng jwale se tla etsahahaha mehleng eo. Oho, le a e rata? [Phutheho e re, “Amen.”—Mong.] A re phetleng ho Esaia 65, motsotsotso feela. E ntle haholo ho ka tlolwa. E ntle haholo ho ka tlohelwa. Mohlomong ho tjhesa haholwanyane, empa re mpe re tswele pele.

¹³¹ Esaia 65, utlwang se tla hlaha mehleng eo. Mme o ipotse, motswalle wa moetsadibe, hore—hore o ka kgona ho fosa sena. Isaia 65, a re qaleng mohlomong ka temana ya 17. Motho e mong le e mong, a mamele, ka hloko jwale. Mona ke mehleng ya dilemo tse Sekete, mohla Sehalaledisiso se slotswang.

*Hobane, bonang, ke tla bopa mahodimo a matjha . . .
lefatshe le letjha: tse fetileng ha di sa tla hlola di
hopolwa, di ke ke tsa kgutlela mohopolong.*

*Empa le tla ba . . . thabo le nyakallo . . . esita ka seo ke
yang ho se bopa: hobane, bonang, ke ya bopa
Jerusalema . . . ke ya bopa Jerusalema, (ke Jerusalema
e Motjha eo), e be motse wa thabong, le sechaba sa
oona e be sechaba se kgotsheng thabo.*

Tlolo ke efe na? Thabo ya Morena.

*. . . ke ya bopa Jerusalema e be motse wa thabo, le
sechaba sa oona e be sechaba se kgotsheng thabo.*

Ke tla etsa Jerusalema thabo ya ka, . . .

Morena hodima Terone, boholong ba borena ba Terone, Terone e sa Feleng, le sechaba se sa Feleng se nang le thabo e sa Feleng kahara Motse o sa Feleng! Oh, kgidi!

*Ke tla etsa Jerusalema thabo ya ka, sechaba sa ka ke
se etse lehlohonolo la ka: lenseswe la dillo ha le sa tla
hlola le utlwahala teng, leha e le lenseswe la pokollo.*

*Teng ha ho lesea le tlang ho tswallwa hore le phele
ka matsatsi a seng makae, ha ho leqheku le sa tlo ka le
phethahatsa palo ya matsatsi a lona: hobane ya tlang
ho shwa a le dilemo di lekgolo etlaba o shwele a sa le
motjha; ya tla shwa a le dilemo di lekgolo e tla ba
moetsadibe ya rohakwang ka hlapa.*

*Ba tla haha matlo, ba dule ho oona; . . . ba tla hloma
merara, ba be ba je ditholwana tsa yona.*

Ba ke ke ba haha matlo, osele a dula teng; (ke hore, o a shwa, mme mora hao a nto rua ntlo ya hao)...haha matlo, e mong osele a dula teng; leha e le ho hloma merara, osele a je tholwana tsa yona: hobane matsatsi a sechaba sa ka a ya lekana le matsatsi a difate, mme bakgethwa ba ka bona ba tla bona mosebetsi wa matsoho a bona e tsofalla ho bona.

Ba ke ke ba sebeletsa lefeela, ba ke ke ba tswala bana mme ba lahlehelwa ke bona kapele; hobane etlaba leloko le hlohonolofaditsweng ke JEHOVA, mme mahlomela a bona ba tla nne ba dule le bona.

Etlare ba e-so ho hoe, ke tla be ke se ke ba arabile;...(Tlotso e tlottlehang eo, e ka mora Kerubime!)...ke'be ke se ke ba arabile; etlare ba sa bolela, ke tla ba ke se ke ba utlwile.

Phiri e tla fula hammoho le konyana,...tau e tla fula jwang jwale ka kgomo: lerole ebe dijo tsa noha. Mme di ke ke tsa kgathatsa leha e le ho senya thabeng ya ka yohle e halalelang, ho bolela JEHOVA. (Na le ka fosa seo? Tjhe!)

¹³² Ho rutlolohela morao mona hape, mme ke Esaia ya buang hape, kgaolong ya 11, temana ya 1 ho fihla ho ya 9. Utlwang seo a se buang mona hape, mohla a n'a tshwara pono eo, ka mora hoba a bone basadi, kamoo ba tla be ba itshwere kateng matsatsing a morao. Ni-... Ho lokile, Esaia 11, ho fihla ho 1.

Empa lekala le tla tswa kutung ya Jesse, ... Lehlomela le tla hlomele metsong ya hae: (E ne e le mang eo? Kreste.)...metsong ya hae:

Moya wa JEHOVA o tla dula hodima hae, moya wa bohlale, wa kelello, moya wa keletso...wa matla, moya wa ho tseba le...ho tshaba JEHOVA;

O tla thabela ho tshaba JEHOVA: a ke se ke a ahlola ka chalimo ya mahlo, leha e le...ka ho utlwa taba ya ba re:

Empa o tla ahlola mafutsana ka ho loka, a tswe bogopo ba bona ba banyenyane ba lefatshe: o tla otla lefatshe ka thupa ya molomo wa hae, a timetse molotsana ka moya wa melomo ya hae.

Ya lokileng a tlangwe thekeng, wa nnete leqhaama le maphakong a bona.

Mme phiri e tla dula le konyana, lengau le bothe le potsanyane (ke hore podi); namane le tawana le kgomo e nontshitsweng...kapa namane, kapa tawana le kgomo e nontshitsweng di tla ba mmoho; di sotetswe ke moshanyana.

Sethole sa kgomo le sa bere di tla fula hammoho; . . . manamane a tsona (le) a robale hammoho: tau e tla fula jwang jwale ka kgomo.

Lesea le anyang le tla ipapalla ka hodimo mosimeng wa marabe, ngwana ya kgweswang a kenyé letsoho lefarung la qoaane.

Mme ha ho sa tla etswa hampe le jwalo *ha ho sa tla hlola ho senngwa dithabeng yohle e halalelang ya ka: hobane lefatshe le tla tlala tsebo . . . jwale ka ha metsi a aparetse lewattle.*

Hum! Ke kahara Jerusalema e Motjha mono. E “ntjha” eo. *Lekala*, mona, ho buuwa ka lona, Lekala la Davida. “Ke Lekala le Lehlomela mmoho.”

¹³³ Jwale, ka mora tsena, Monyaduwa o a hlahella. Ka mora diveke tse mashome a supileng, Monyaduwa o hlahella ho Ditshenolo kgaolong ya 19, temana ya 1 le ya 16. O fihla le Monyadi wā Hae, Morena e moholo. Oho, kgidi! Ha ke tsebe hore re tla fihla ho yona kaofela kapa tjhe. Ho e nka feela e le hore . . .

Ke hantle, a re baleng feela karolo ya lena, leha ho le jwalo. Mona ke hona moo Monyaduwa a tla tla, ka mora tsena. Le a bona? Ka mora hoba dilemo tse Sekete di kene, eba Kreste o kgutla le Monyaduwa. Hantle, 1 ho fihla ho 16, homme kgaolo ya 19.

Ka mora tseo . . .

Ka mora Matshwenyeho ana; ka mora Dikotsi; ka mora Ditiiso; ka mora Dikotlo; ka mora ho lelekwa ha Satane; ka mora ho hlongwa ha dilemo tse Sekete. Hlokomelang!

. . . ka mora tseo ka utlwa lehodimong ho kang lenswe la bongata, . . . le re, Alleluya; Poloko, le kganya, . . . hlompho, . . . matla, ke tsa Morena Modimo wa rona:

Hobane kahlolo ya hao ke tsa nnete: hobane o ahlotse seotswa se seholo, se bodisitseng lefatshe ka bootswa ba sona, mme o phetheditse madi a bahlanka ba oona letsohong la sona.

Mme a pheta . . . ba . . . Mme ba pheta ba re, Alleluya. Mosi wa sona o nyoloha ka mehla le mehla.

Ke kereke eo ya kgale e febang, “mosi wa sona o ile wa lopalla.”

Baholo ba mashome a mabedi a metso e mene le dibopuwa tse phelang tse nne ba wa ka difahleho ba kgumamela Modimo o dutseng hodimo teroneng, ba re, Amen; Allelula!

Lentswe la tswa teroneng, la re, Bokang Modimo wa rona—Bokang Modimo wa rona, lona bohole bahlanka ba oona, le lona ba o tshabang, ba baholo le ba banyenyane.

Ka utlwa le ho kang lenseswe la bongata bo boholo, . . .

Mamelang! Ke lona bana, Kereke. Ka mora hoba E nyolohe kgaolong ya 3, ke ena E kgutla. Le a bona? Mme jwale temana ya 6.

Ka utlwa le ho kang lenseswe la bongata bo boholo, le ho kang modumo wa metsi a mangata, le ho kang lenseswe la seaduma tse matla, le re, Alleluia: Hobane Morena Modimo wa rona o matla wohle wa busa.

Alleluia! Hlokomelang! Lenyalo la Konyana le a tla jwale. Ke enwa A e-tla.

A re thabeng re nyakalle, mme re ise kganya ho wona: hobane lenyalo la Konyana le hlahile, mme mosadi wa yona o itokisitse. (Ke enwa A e-tla, Monyaduwa le Monyadi, mmoho.)

Mme o neilwe ho ikapesa ka line e ntle, e kganyang e hlwekileng: hobane line e ntle eo . . . ho loka ha bahalaledi.

Yaba lengeloi le re ho nna, Ngola, Ho lehlohonolo ba bileditsweng mokete wa lenyalo la Konyana. La ntoo re ho nna, Tseo ke dipolelo . . . sebele tsa Modimo.

Yaba ke wela maotong moo ho le kgumamela. Empa la re ho nna, O se ke wa etsa hoo: hobane ke wa molekane wa hao wa tshebeletso, . . . wa banabeno mme ke na le . . . wa banabeno mme ke na le bopaki ba Jesu: kgumamela Modimo: hobane bopaki (ba Kreste) ba Jesu ke moyo wa boporofeta.

Yaba ke bona lehodimo le bulwa, mme . . . pere e tshweu; . . . (oho, kgidi!) . . . mme ya kallang . . . o bitswa Motshopehi le Wa Nnete, o a ahlol a o lwana . . . ho loka.

Mahlo a hae e ne e ka dikgabo ya mollo, mme hloohong ya hae e le . . . rwetse meqhaka e mengata; . . .

O ne a resitswe moqhaka wa eng? “Morena wa marena.”

. . . o na le lebitso le ngodilweng, le sa tsejwang ke motho, ha e se ke yena, . . .

O apere seaparo se se sweu se takilweng ka madi: mme lebitso leo a bitswang ka lona ke Lentswe la Modimo.

“Lentswe le ne le le tshimolohong, mme Lentswe le ne le le ho Modimo. Mme Lentswe le ne le etswe nama la haha hara rona.” E ne e le Mang? Jesu.

...mme lebitso leo a bitswang ka lona ke Lentswe la Modimo.

Makgotla a lehodimo a mo latela a kalletse dipere tse tshweu, a apere line e ntle e tshweu, e hlwekileng. (Thoriso! Ke enwa A e-tla.)

Sabole e bohale e teng e tswa molomong wa hae, mme e tle e otle sechaba: mme... tla di aloisa ka lere la tshepe: mme ke yena ya tla hatisa sehatelong sa veine ya bohale le ya kgalefo ya Modimo o Matla wohle.

Mme o na le lebitso le ngotsweng seaparong le seropeng sa hae le reng, MORENA WA MORENA, LE MMUSI WA MMUSI.

¹³⁴ E ne e le eng? Batho ba Hae ba ne ba sa tswa Mo rwesa moqhaka wa Morena wa morena, Mmusi wa babusi. O kgutlala Tempeleng ya Hae e halalelang, o tlotsitswe ka Boteng ba Modimo, ho phela le ho busa dilemong tse Sekete le Kereke ya Hae. Amen! Ho hlahla, le Morena ya matla, ho nka tulo tsa Yona lehlakoreng la Hae, Tempele e ntjha e tlotsitsweng ya borena.

¹³⁵ Jwale morero wa mekgahlelo e tsheletseng wa Tshenolo 6:1 ho fihla ho Tshenolo 19:21 o phethilwe.

¹³⁶ Mamelang jwale, ho kwaleng. Ditiiso tse Supileng, Diterompeta tse Supileng, Dinkgo tse Supileng, Dikotsi tse Tharo, mosadi letsatsing, ho lelekwa ha Diabolosi, kapa drakone e kgubedu, di kena dipakeng tsa dinako tsena mehleng ya Matshwenyeho a maholo. Le se e lebale. Dintho tsena tsohle di etsahala nakong ena.

Empa morero wa mekgahlelo e tsheletseng wa ho Kgutla ha Hae ke wona. Le a e dumela na? [Phuthetho e re, “Amen.”—Mong.] Ke nako e babatsehang hakakang e boloketsweng ba ratang Morena! Ke a o bolella, motswalle, re ka se kgone ho fosa hoo. Le se e fose, ho tsohle tseo o di etsang. Etsa bonnate!

¹³⁷ Jwale, Sontaha se hlahlamang, ha Morena a ratile, ke batla ho hlahisa, ha A ka nthusa, ho bontsha hantle feela moo le leng le le leng la matsatsi ao a supileng, moo a etsahetseng teng, ho tlisa yona—yona ntho eo ke e tlisitseng kajeno, le ho bea nako tse supileng tseo, diveke tse supileng, diveke tse mashome a supileng hantle nqalang e halalelang eo ya bo-Juda, le ho le bontsha hantle feela moo re phelang teng hantle mona qetelong, ha Morena a ratile.

¹³⁸ Le a Mo rata? [Phuthetho e re, “Amen.”—Mong.] Na le ka kgona ho fosa Lehodimo? [“Tjhe.”] Re nakong ya qetelo!

O tlela ho etsa eng? Ntho ya pele e tla etsahala, pele Jesu a kgutlela lefatsheng le ka mohla, ntho ya pele e tla ba efe? Kereke e tla (eng?) hlwibilwa! Na Jesu o tla tla lefatsheng mme a potolohe lebitla, mme a tsukutle matsoho le papa le mama, ho bua le rona bohole mona, mme ho ntso nyolohwa? Tjhe!

Ho tla etsahala eng? Yona... Re le borella taba ena, ka—ka Lentswe la Morena, “Ho re rona ba saletseng ho phela...” Bathessalonika ba Bobedi, kgaolo ya 5, “Rona ba saletseng ho phelela ho Kgutla ha Morena, re ke ke ra sitisa kapa ho raka ba ithobaletseng. Hoba terompeta ya Morena e tla lla; ba shweleng ho Kreste ba tla tsaha pele: mme rona ba phelang ba saletseng re tla nkwa mmoho le bona ho kopana le Morena sebakeng.” Re tla nkwa ka motsotso, ka ho panya ha leihlo. Nakong eo, hoo ho fedisa Mongwahakgolo wa Kereke.

¹³⁹ Ebe, tlase mona lefatsheng Modimo o qala a sebetsana le Bajude. Ho tla hlaha baporofeta ba babedi. Kgaolong ya 11, re tla e nka. Baporofeta ba babedi ba tlotsitsweng, jwale ka Elia le Moshe, bao ke nahanang hoba ke bona. Mme ba tla dihela dithohako tse kgolo, hoba ba bone bao ba kopane, mme Roma e se e robile selekane sa yona, kgosana eo.

Mahareng a veke ya mashome a supileng, o tla roba selekane sa hae le Roma, kapa Roma e tla se kgaola le Israele, mme hoo ho hlahise manyala a qale ho phasalla. Mme ho tla ba le morwallo o moholo, mohla masalla a Moditjhaba, morwetsana ya robetseng... Drakone, Roma, e ile ya phusalatsa metsi molomong wa yona, ho lwantsha masalla a peo ya mosadi a bolokang melao ya Modimo. Roma e tla etsa hoo.

¹⁴⁰ Konfederasi ya kereke e tla ba kopanya mmoho, mme ba tla kenya Bajuda konfederasing ena, le ho ba kgutlisetsa tshebeletsong ya bona ya tempele hape, e leng HO RIALO MORENA e tswang Bibeleng, mme ba tla ba le kereke ya bona ka sebele. [Moena Branham o kokotile sefaleng makgetlo a mmalwa—Mong.]

¹⁴¹ Hona jwale ke eng? Ke sa tswa e tshwara hona jwale. E ntjha. Hona jwale ke sechaba, se a hlomphuwa. Na ho lokile? [Phutheho e re, “Amen.”—Mong.] Empa ha ba e-so hlome tshebeletso ya bona ya tempele le jwale. Mme mohla ba hlomang tshebeletso ya tempele, Kereke e tla be e tsamaile. Modimo o tla be o sebetsa le Bajuda jwale ka setjhaba. Mme mohla ba sotetswang selekaneng sena, Roma e tla se kgaola mahareng a selemo sa mashome a supileng, dilemo tse tharo le halofo, o tla roba selekane seo le bona, mme a hlahise manyala a bofediso a phasalle ho isa pheletsong. A ntano nka Protestanta, le Bajuda mmoho, mme a ba hlorise. Mohlang oo, baporofeta ba babedi bana ba tla ema mme ba rohake lefatshes, hore pula e se ke ya na mehleng ya boporofeta ba bona. Mme ba tla theola mollo lehodimong, le ntho e nngwe le e nngwe

esele. Le lebelle feela. Re na le dintho tse ngata tse robetseng mona, tseo re di boloketsweng, ho ithuta. [Moena Branham o kokotile sefaleng hararo—Mong.]

¹⁴² Oh, Ke Modimo o mokakang! Ke Ntata-mehauhelo e mokakang! Metswalle, a nke ke bolele taba ena, jwale ka modisa wa lona. Ha le lemohe menyetla eo le phelang tlasa yona. Ha le lemohe. Ho na le banna ba bangata ba baholo, ho na le bahalaledi ba bangata, ho na le dikete tsa banna ba halalelang ba shweleng dilemong tse fetileng, banna-ba-Moya ba ka beng ba ratile ho bona tsatsi lena leo le phelang ho lona. A nna le wena re fupare monyetla wa lona.

¹⁴³ Ke ntho efe eo re ka shebang ho yona? Re ka etsa'ng ka morao ho mona? Re ya kae? Ho tla etsahal'ang? Re tlamehile ho ya tulong e nngwe. Le ke ke la dula mona ka nako tsohle. O ka hela jwang ba hao; veke e hlahlamang bo hloka ho helwa hape; eya, habedi, pele ho nako eo. O ka hodisa bana ba hao. O ba fepe tinare; ka sophoro ba se ba lapile hape. O ba rekela para ya sophoro; hoseng ho latelang ba lapile hape. O ba rekela para ya dieta; ha ba tshwana le ba ka, dikgweding tse ka bang pedi kapa tharo o ba rekela para e nngwe. O ba rekela diaparo kgwedding ena; kgwedi kapa tse pedi o ba rekela diaparo tse ntjha. Le a bona? Ha ho letho le tswellang. Ha ho letho le tsitsitseng. Ha ho letho le ka emang.

Se rateng matlotlo a lefeela a lefatshe,
A bolang kapele-pele,
Haha tshepo ya hao ho tse sa Feleng,
Le ka mohla ha di fete!

Nako e tletse phethoho e lehala,
Lefatsheng ha ho se sa reketleng,
Haha tshepo ya hao ho tse sa Feleng,
Tshwara 'tsoho le sa fetoheng la Modimo!

Tshwara 'tsoho le sa fetoheng la Modimo!
Tshwara 'tsoho le sa fetoheng la Modimo!
Haha tshepo ya hao ho tse sa Feleng,
Tshwara 'tshoho le sa fetoheng la Modimo!

Mamelang!

Ha eto la rona le fedile, (O tla re tsebisa ha le fedile.)

Ha re ne re tshepahetse ho Modimo,
Aho la rona le letle le phatsimang Kganyeng,
(Motse oo o tlotsitsweng)

Moya rona o hlwibitsweng o tla le boha!

Tshwara 'tsoho le sa fetoheng la Modimo!

Tshwara 'tsoho le sa fetoheng la Modimo!

Haha tshepo ya hao ho tse Feleng,

Tshwara 'tsoho le sa fetoheng la Modimo!

Se rateng matlotlo a lefeela a lefatshe lena,
 A bolang kapele-pele,
 Haha feela tshepo tsa hao ho tse sa Feleng,
 Le ka mohla ha di fete!

Tshwara ‘tsoho le sa fetoheng la Modimo!
 Tshwara ‘tsoho le sa fetoheng la Modimo!
 Haha tshepo tsa hao ho tse sa Feleng,
 Tshwara ‘tsoho le sa fetoheng la Modimo!

Re sa inamisa hlooho tsa rona. Ha o e-so tshware Letsoho la Hae le ka mohla, na o ke ke wa tla jwale mme wa etsa jwalo.

Tshwara ‘tsoho le sa fetoheng la Modimo!
 Haha tshepo tsa hao ho tse sa Feleng,
 Tshwara ‘tsoho le sa fetoheng la Modimo!

¹⁴⁴ Ngwananyana, o kgarejana e ntle hona jwale. Moririnyana wa hao o motle, maramanyana a hao e ka rosa. Empa, o a tseba, etlaba tsatsi la hosasa feela, e be, a be se a pona. Re tseba jwang hore veke e tlangu tshwele e tla be e sa iphepe, mobung, e-ja marama a matle ao, a manyenyane, a kang makgubetswana?

¹⁴⁵ Wena moena e motjha, o matla, o sephankga, ka mesifa e matla; o na le ditebello tse kgolo. Empa ka mora nakwana, hosasa feela, moriri o motle oo, o mangetse o tla tsomuha, mme ho o saletseng ho tla pudufala. Mahetla a maholo ao, a otlolohileng a tla kobama a lepel, mme tshwele e iphepe ka diphaka le ka nama. Ba tla o jara ba tsamaye le wena, ba o kenyel leroleng.

Ka hona, haha tshepo tsa hao ho tse sa
 Feleng,
 Le ka mohla di ke se fete!
 Tshwara ‘tsoho le sa fetoheng la Modimo!
 Tshwara ‘tsoho . . .

O batla hore o nanabele mme o tshware letsoho la Hae jwale.

Haha tshepo tsa hao ho tse sa Feleng,
 Tshwara ‘tsoho le sa fetoheng la Modimo!
 Jwale he etlare ha eto lena le fedile, (le tla
 fela, tsatsi lengwe)
 Ha o no tshepahetse ho Modimo,
 Aho le letle le phatsimang Kganyeng,
 Moya hao o hlwibitsweng a tla le boha!
 Hobaneng o sa tshware ‘tsoho le sa fetoheng
 la Modimo!
 Tshwara ‘tsoho le sa fetoheng la Modimo!
 Haha tshepo ya hao ho tse sa Feleng,
 Tshwara ‘tsoho le sa fetoheng la Modimo!

¹⁴⁶ Ke bone diponahalo tse ngata, ke se ke batla ke atamela mashome a mararo a motso o mong a dilemo ka mora deseke. Ke bone diponahalo tse bohloko; ke bone diponahalo tse tlotlehang. Ntho e bohloko ka ho fetisia eo nkileng ka e bona bophelong ba ka... Leha hangata ke bone bana ba bolawang ke tlala seterateng; ke bone bomme ba kopa thathana e le nngwe ya bohobe. Ntho e bohloko ka ho fetisia eo ke e bonang ka mehla, ke ho bona monna, motho, homme eo e ka kgonang e be e le mora Modimo, a e-shwa a sa tsebe Modimo.

¹⁴⁷ Ke hopola mosadi ya na eme monyako bosiu bo bong, wa kereke ena, a ntja ditsheho. Mme a re, “Nke ke ka dumella kgomo ya ka e amohele sebopinho seo a se tshwereng sa borapedi!” Ho e-so fete le hora e le nngwe, ka bitsetswa kokelong. Mosadi e motle, ya ka bang dilemo tse mashome a mabedi, o ne a hweletsa, “Tlisang moreri eo mona!” E le moKatolike, ka tumelo.

Yare ha ke nyoloha, kgaitsemi ya hodileng a re, “O morao, Moena Branham. O shwele metsotsong e ka bang mehlano e fetileng.”

Ka re, “Na nka mmona?”

Ho re, “O n'a hweletsa a o batla, mantsweng a hae a qetelo, ‘Latang moreri eo, Moena Branham!’”

Monna wa hae a le teng mono, a hweletsa, “Mo rapelle! Mo rapelle!”

Ka re, “E se e le morao jwale.”

¹⁴⁸ Ka theola lesira. A e-na le mahlo a maholo a masoothwana. Mosadi e motle; ditlhokanyana di rarile sefahlehong sa hae; ka moriri o bosehla bo bosowana; a kgahleha haholo. A ile a sotleha hoo ditlhokanyane di neng di topile sefahlehong sa hae eka dihluba. Mahlo a hae a hotolohile a hlile a tswile bohobolokwaneng ba wona, ka mokgwa oo. Mme, ehlile, mala a hae le diphiyo di ile tsa lwebehlana, e leng ntho e—ntho e... Etswe motho e mong le e mong o etsa jwalo ha e-shwa, hangata. Mme ke eo moo a na le teng, a robetse maemong ao, molomo o bulehile. Mme dintshi tsa hae di le mona, di batla di kgurumeditse karolo e sootho ya leihlo la hae. Nke ke ka e lebala. Sefela seo sa fihla mohopolong wa ka.

Se rate matlotlo a lefeela a lefatshe; botle, mabekebeke.

¹⁴⁹ Ke ne ke eme pela monna hantle mona Port Fulton, a eshwa. Ba mpitsetsa diphateng tsa hae. Mme ke ile ka rapela le yena mona aletareng bosius bo bong. A potisa sephaka sa hae ho mosadi. Ka re, “Tlosa sephaka sa hao ho mosadi eo.”

A re, “Ke mo tataisetsa ho Modimo.”

¹⁵⁰ Ka re, “Sephaka sa hao se se ke sa mo pota.” Ha ke dumele dinthong tse kang tseo. A nkgalefela. A tswa a tila monyako.

Ka ya ho yena, hamoraonyana, ha a ne a e-shwa. A ntjheba mahlong, a re, "O se nthapelle, Moena Bill. Ke lahlehile. Ho fedile ka nna." Ho re, "Tsohle tseo nkileng ka di una, di timetse."

¹⁵¹ Ke ne ke eme hantle mona koung, ke leetonyana ho tloha mona, tsatsi le leng, ka ya ho monna ya ileng a mpitsetsa diphateng tsa hae mohla a n'a shwa. A re, "Esale ke batlile *hore-le-hore*, le hore." A re, "Empa ha ke a ka ka sebeletsa Morena le ka mohla. Hangata ke lese ho ya aletareng." A re, "Moena Branham, rapela Modimo a tle a dumelle moradinyana wa ka ho lefella dintho tseo ke di entseng. Mohlomong a ka etsetsa Morena ho hong."

¹⁵² Ka re, "Hoo ho ke ke ha etswa, moena. Dintho tseo o ka beng o di entse di timetse." Hum!

¹⁵³ Ka ema pela monna, ka mmona a lwantsha matemona dihora tse mashome a mabedi a metso e mene. A re matemona a ne a eme diphateng tsa hae ka mahlaahlela a thatetsweng molaleng wa wona. Ho re, "O se ke wa a dumella ho nkuka!" A hweletsa; a kwebetellwa diphateng. Ho re, "Ke leo moo le emeng. Ha o le bone na? Le tla ho nna." A ile a hana Modimo, nako e telele. A e-na le modiko o tletseng furu, o tletseng koro, dipere tse ntle tsa mojaho. Selemo pele ho moo, a rohaka Modimo pontsheng ya Wona; a ba a jabela mosadi wa hae ka ho tla tabernakeleng. Le tseba se ileng sa etsahala? Lehadima la otla modiko wa hae, le ho bolaya dipere tsa hae, la tjhesa furu ya hae. Mme monna a shwa a le maemong a mofuta o itseng, a lwantsha matemona a a phoka ho yena.

¹⁵⁴ Le motswalle wa ka wa kgale (glory!) a eme mono, a fihla pheletsong ya tsela. Ka re, "Na o a tsamaya, ntate?"

Ho re, "Ke lona lena, Billy."

Ka re, "Ho jwang?"

¹⁵⁵ A re, "Tsohle di lokile." Ho re, "Atametsa bana ba ka pel'a diphate." A bea matsoho a hae a fokolang hodima e mong le e mong wa bana ba hae a ba hlohonolofatsa. A re ho bara ba hae ba babedi, a re, "Fehang matsoho a ka, le a phahamise, jwale kaha Joshua le Kalebe ba entse." Ka ipotsa hore o n'a il'o reng. A re:

Ke tsatsi la thabo, tsatsi la thabo,
Esale Jesu a nthatswa dibe tsa ka!
A nthutha ho lebela le ho rapela,
Le ho phela ka thabo letsatsi ka letsatsi.

Dintho tse kang tseo di tshwanetse ho re tlela, metswalle! Ha ho motho ya sa batleng ho ja dijo tse monate, ho kganna koloi e ntle, ho ba le tse kgabane tseo re ka di fumanang. Ha ke mo bone molato. Ho itoketse. Modimo o batla hore o be le dintho tseo.

Empa, se rate matlotlo a lefeela a lefatshe,
 A bolang kapele-pele,
 Haha tshepo tsa hao ho tse sa Feleng,
 Tshwara ‘tsoho le sa fetoheng la Modimo!

A re phahamiseng matsoho a rona re sa bina.

Tshwara ‘tsoho le sa fetoheng la Modimo!
 Tshwara ‘tsoho le sa fetoheng la Modimo!
 Haha tshepo tsa hao ho tse sa Feleng,
 Tshwara ‘tsoho le sa fetoheng la Modimo!

¹⁵⁶ Re sa eme, a re reteleheng feela re tsukutle matsoho le motho e mong jwale. Re tla tswellisa, tshebeletso, motsotsotso feela. Empa ke batla le retelehe re sa bina temana e nngwe ya thoko eo.

Tshwara ‘tsoho le sa fetoheng la Modimo!

Etsa jwalo, ntate! Etsa jwalo, rara! Etsetsa Modimo jwalo!
 Etsa jwalo, wena ngwana! Etse jwalo, moena! Etsa jwalo, moena!

Haha tshepo tsa hao ho tse sa Feleng,
 Tshwara ‘tsoho le sa fetoheng la Modimo!

¹⁵⁷ Na ha le a Mo thabela? E reng, “Amen!” [Phutheho e re, “Amen!”—Mong.] Bohle ba Mo ratang, e reng, “Ho bokwe Morena.” [“Ho bokwe Morena!”] Bohle ba dumelang hore le ya Motseng oo o kgutlonne, phahamisa letsoso la hao. Oh! Motsotsotso feela, ka pina ya lona.

Ke lebile Motseng o motle oo, (Kana e ya
 jwang jwale?)
 Morena a o lokiseditseng ba Hae;
 Teng balopollwa ba mengwaha yohle
 Ba bina kganya ba pota Terone e Tshweu.
 Ka nako tse ding ke hlohelwa Lehodimo,
 Mme botle boo ke tla bo boha teng.
 E tla ba thabo e ka kakang eo,
 Ha ke bona Mopholosi wa ka
 Motseng o motle oo wa gauta.

Le a e rata eo? [Phutheho e re, “Amen.”—Mong.]

Ke habile Motse o motle oo,
 Morena ka o lokiseditseng ba Hae;
 Teng balopollwa ba mengwaha yohle
 Ba tla bina thoriso ba pota Terone e Tshweu.
 Oh, ka nako tse ding ke hlohelwa Lehodimo,
 Mme menyaka eo ke tla e boha moo.
 E tla ba thabo e kakang eo,
 Ha ke bona Mopholosi wa ka
 Motseng o motle oo wa gauta.

Le a Mo rata? [Phutheho e re, “Amen.”—Mong.]

Inkele Bitsو la Jesu,
 Ngwana maswabi le tlokotsi;
 Le tla o thabisa le tshedise,
 Le nke hohle moo o yang teng.
 Bitsو le ratehang (Bitsو le ratehang), O le letle
 hakakang! (O le letle hakakang!)
 Tshepo ya lefatshe le thabo ya Lehodimo;
 Bitsو le ratehang (Bitsو le ratehang), O le letle
 hakakang!
 Tshepo ya lefatshe le thabo ya Lehodimo.

Jwale, le se lebale Sontaha se hlahlamang hoseng, mashome a mararo ka mora robong. Mme jwale re tla leka, ha Morena a ratile, ho qeta ka nako, ho rapella bakudi, Sontaha se hlahlamang hoseng ka mashome a mararo ka mora robong.

Bitsong la Jesu ba inama,
 Ba wa ba namalla maotong a Hae,
 Mmusi wa babusi Lehodimong re tla Mmea,
 Ha eto la rona le fedile.
 Bitsو le ratehang (Bitsو le ratehang), O le letle
 hakakang! (O le letle hakakang!)
 Tshepo ya lefatshe le thabo ya Lehodimo;
 Bitsو le ratehang (Bitsو le ratehang), O le letle
 hakakang!
 Tshepo ya lefatshe le thabo ya Lehodimo.

Mamelang temana ena feela:

Bitsong la Jesu ba inama,
 Jwale ka thebe sefing ka seng;
 Ha matshwenyo a o dika,
 Bua Bitsو le ha'lelang leo thapelong. (Le tla
 sebetsa!)
 Bitsو le ratehang (Bitsو le ratehang), O le letle
 hakakang! (O le letle hakakang!)
 Tshepo ya lefatshe le thabo ya Lehodimo;
 Bitsو le ratehang (Bitsو leratehang), O le letle
 hakakang!
 Tshepo ya lefatshe le thabo ya Lehodimo.

Jwale ke tla neela tshebeletso ho modisa, Moena Neville, a tle a bolele mantswe a hae a kwalang le sohle seo a ka se buang.



Dikeletso Tsa Gabariele Ho Daniele
(Gabriel's Instructions To Daniel)
Phupu 30, 1961, Sontaha hoseng
Nomoro ya teipi 61-0730M

Morero Wa Mekgahlelo E Tsheletseng Wa Ketelo Ya Gabariele Ho Daniele
(The Sixfold Purpose Of Gabriel's Visit To Daniel)
Phupu 30, 1961, Sontaha mantsiboya
Nomoro ya teipi 61-0730E

Veke Ea Mashome A Supileng Ea Daniele
(The Seventieth Week Of Daniel)
Phato 6, 1961, Sontaha hoseng
Nomoro ya teipi 61-0806

Melaetsa ena ka Moena William Marrion Branham e rerilwe qalong ka Senyesemane Tabernakeleng ya Branham e Jeffersonville, Indiana, Amerika. Ka mora ho fumana diteipi tse hlakileng le tse phethahetseng tsa ho qala, Buka ena ya Lentswe Le Builweng ya *Diveke Tse Mashome A Supileng Tsa Daniele* e ile ya hlophiswa botjha ho latela sebopheho sa jwale. Boikgathatso ka bong bo entswe ho fetisetsa ka tsepamo Melaetsa e rerilweng ho tloha dikgatisong tsa teipi ya makenete ho fetela leqepheng le tlantsweng, mme e tlantswe mona e sa kgutsufatswa le ho abjwa ke ba ha Voice Of God Recordings.

E phatlaladitswe ka Sesotho sa Borwa ka 2001.

©2001 VGR, ALL RIGHTS RESERVED

VOICE OF GOD RECORDINGS
P.O. Box 950, Jeffersonville, Indiana 47131 U.S.A.

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org